



Qajeelcha Barsiisaa

Yeroo Macaafa Qulqulluu sadarkaalee
0, 1 fi 2

Tartiiba B
Barnoota 7-12

Tajaajila Barnoota Macaafa Qulqulluu (Bible Educational Services)

Dhaabbata Arjummaa galmaa'e UK (Lakk 1186004) .

Ibsa Ergama

Giddu-galeessitootaaf barnoota Macaafa Qulqulluu qopheessun dhugaa Yesus Kiristoos dhaloota itti aanuuf addunyaa guutuutti akka dhiyeessan gochuudha

Ibsa Mul'ataa

Dhaloota itti aanuuf kaarikulamii keenya guutuu afaan isaaniitiin dhaqqabuuf, networkii addunyaa michoota kutannoo qaban qopheessuu fi deeggaruudha.

ODEEFFANNOO WALIIGALAA

Tajaajilli Barnoota Macaafa Qulqulluu maal hojjeta:-

Tajaajilli Barnoota Macaafa Qulqulluu (BES UK) barnoota Macaafa Qulqulluu "Bibletime", "New Life" fi "Gleaners" Afaan Ingiliziitiin maxxansuu fi Manneen Barnootaa Macaafa Qulqulluu Poostaa fi dhaabbilee kana fakkaatan barnoota BES UK fi biyya alaa keessatti fayyadaman deeggaruu, daawwachuu, wal qunnamsiisuu, gorsaa fi leenjii kennudha. BES yeroo ammaa gareewwan biyyoota biroo keessatti argaman kanneen hiikkaa, dizaayinii, maxxansuu fi raabsa barnoota irratti hirmaatan waliinis ta'uun hojjechaa jira. Barnoonni barattoota hundaaf bilisaan kennamuu qaba.

Barumsi yeroo Macaafa Qulqulluu yeroo jalqabaatiif Kibba Ayerlaanditti waggoota 60 oliin dura itti fayyadamaa turan. Tajaajilli Barnoota Macaafa Qulqulluu Barumsa Yeroo Macaafa Qulqulluu Afaan Ingilizii fi afaanota alagaa hundaan kennamuu, itti gaafatamummaa gulaalaa ni eega. Barumsi yeroo Macaafa Qulqulluu akka idileetti bifa A4n maxxanfamee kan ture yoo ta'u kunis barattoonni naannoo tokko tokko, torban afur afuritti, barumsa sana gara Giddugala Mana Barumsaa Macaafa Qulqulluu Poostaa tokkooti deebi'anii erguun akka qabxii argatan dandeessisa. Dhiheenya kana, galata Every Home Crusade (Revival Movement) Belfast keessatti, barnoonni ji'a jahaaf bifa A5n maxxanfamanii jiru, kunis itti fayyadama waldootaa fi manneen barnootaa biyya alaa jiran keessatti baay'ee salphiseera, keessumaa bakka sirni poostaa bu'a qabeessa ta'e hin jirretti.

Barumsi BES adda kan ta'e, qo'annoo manaa ykn garee (waldaa/mana barumsaa) ilaalcha keessa galchuun kan qophaa'u yoo ta'u, sagantaa barnootaa karoofame hordofuun barattoonni hanga waggaa 20tti qo'annoo akka itti fufan kan taasisudha. Barumsi sadarkaa shan garee umurii murtaa'eef ni jira, Mana barumsaa idilee duraa (Sadarkaa 0), 5-7tif (Sadarkaa 1), 8-10tif (Sadarkaa 2), 11-13tif (Sadarkaa 3), 14-16tif (Sadarkaa 4). Tokkoon tokkoon garee umuriitiif sagantaa barnootaa waggaa sadiitu jira. (Fuula 4 ilaali) Gareen umurii akka dandeettiitti garaagarummaa qabaachuu danda'a. Qabiyyeen Yeroo Macaafa Qulqulluu ijoolleen sagalee Waaqayyoo akka qo'atan, Seenaa Macaafa Qulqulluu akka barataniif fi qormaata Wangeelaa jireenya isaanii keessatti isaan mudatu akka darban carraa ni kenna.

Koppiin barnoota maxxanfame afaan Ingiliffaatiin marsariitii BES – www.besweb.com irraa ykn Barreessaa Idil-addunyaa irraa argachuu dandeessu. Marsariitii kanarrattis afaanota birootiin ni argamu. BES sanadoota warra BES waliin hojjechuuf yaadaa jiraniif gargaaruu danda'an qaba, kunninis marsariitii irrattis ni argamu.

Teessoo Quunnamtii BES

Barreessaa Idil-addunyaa fi Kaaba Ayerlaandi (stockist of all English lessons) .

Obbo S Balmer, Waajjira BES (UK), 37a Belmore Street, Enniskillen, Kaaba Ayerlaandi. BT74 6AA jedhamuun beekama Bilbila: 00 44 286 632 2462 irratti bilbila
Imeelii: sam@besweb.com irraa argachuu dandeessu

Barreessaa UK – Yaada gulaalaa

Imeelii: stephen.gillham@besweb.com

Teessoo marsariitii: www.besweb.com

Teessoo imeelii: info@besweb.com

QAJEELFACHA BARSIIISAA

Jalqaba barnoonni yeroo Macaafa Qulqulluu sirna poostaa Giddugala Mana Barumsaa Macaafa Qulqulluu Poostaa qabu keessatti akka fayyadamaniif kan qophaa'e yoo ta'u garuu barumsi kun bakka sirni poostaa amanamaa hin taane ykn hin jirretti keessumaa waldoota fi manneen barnootaa Afrikaa, Hindii fi bakkeewwan birootti fayyadamuun baay'achaa dhufeera. Qajeelfamni Barsiisaa namoota haala akkasii keessatti barumsa yeroo Macaafa Qulqulluu fayyadamaniif qophaa'a. Qajeelfamni Barsiisotaa kitaaba xiqqaa kana keessatti argamu barnoota Sadarkaa 0, 1 fi 2 tilmaamaan umurii mana barumsaa jalqabaa -10tif waliin akka fayyadamaniif qophaa'eera. Barumsi sadarkaa 0 bifa kitaaba xiqqaan maxxanfamee hin argamu. Isaanis marsariitii BES irraa bilisaan buufachuu dandeessu.

Tokkoon tokkoon Qajeelfama Wabii Macaafa Qulqulluu akkuma barumsa yeroo Macaafa Qulqulluuti hordofa. Barumsi fi Qajeelfamni yeroo Macaafa Qulqulluu torban torbaniin akka itti fayyadamnuuf kan qophaa'edha. Keessattuu barnoonni Ebla Ayyaana Faasikaa fi barnoonni Muddee Ayyaana Qillee wajjin wal qabata.

Bakkeewwan tokko tokko maxxansa A4 ji'a ji'aan barnoota 4 kan qabu yoo ta'u kaan immoo kitaaba xiqqaa A5 kan barnoota 24 dabalateen fayyadamu.. Akka idileetti barsiisaan ykn geggeessaan barnoota A4 ji'a ji'aan ni kenna, tokkon tokkon torbanii barumsaan guutamuu danda'a, waldaa keessatti yookaan mana barumsaa keessatti yookaan gara manaatti geeffamee torban itti aanutti ni deebi'a. Dhuma baatii/ji'aa irratti barsiisaan ykn geggeessaan barumsa walitti qabuun qabxii barbaachisaa ta'e ni kenna, barnoota qabxii itti kenname(sororfame) dafee barattootaaf ni deebisa.

Sadarkaa yaadaatiin, kitaabolee xixiqqoo itti fayyadamtan, dhuma kutaa tokkoon tokkoon isaanii irratti walitti qabamaniif isiini sorarafamu. Haalota hedduu keessatti kun akka hin danda'amne ni hubanna. Daree keessatti barattoota birooof raabsamuu danda'u. Barsiisaan ykn gaggeessaan, barnoota gaggeesuudhaan barattoonni barnoota hiriyaa isaanii sororsuudhaan qabxii kaa'anii isaaniif kennu. Duuba kitaabota xixiqqoo irratti iddoon qabxiin barnootaa ji'a ji'aan itti kennamuu fi bakki waa'ee guddina barataan sun galmeesse yaada itti kennamuu jira. Akkasumas ragaan addaan baafamee barattootaaf kennamuu danda'uu, kunis qabxiin barnootaa ji'a jahaaf argame dhibbeentaadhaan kan agarsiisu ni jira.

Yaadni itti fayyadama Qajeelfama Barsiisaa fi kitaabota yeroo Macaafa Qulqulluu yeroo hundumaa kan dinqisiifamu waan ta'eef gara Stephen.gilham@besweb.com qajeelfamuu qaba

QOPHII BARSIIISOTAAF

Qajeelfamni Barsiisotaa ajaja kan hin kennine yoo ta'u, barsiisonni yaadaafi kaka'umsa mataa isaaniitiin waan tokko akka maddisiisan iddoon hin kennamne. Barnoota yeroo Macaafa Qulqulluu keessatti yoodoleen kana gargaaran jiru.

- **Seenaa kana beeki** - Barsiisonni seenaa Macaafa Qulqulluu fi barumsa yeroo Macaafa Qulqulluu isa waliin jiru hamma danda'ametti beekuu qabu. Sadarkaa yaadaatti, barumsi yeroo Macaafa Qulqulluu barumsa dura, barsiisaan xumuruu qaba. Qajeelfamni tokkoon tokkoon barnootaas akka gargaarsa karoora barnootaatti of eeggannoodhaan ilaalamuu qaba.
- **Barnoota baratamuu qabu hubadhu** - Tokkoon tokkoon karoora barnootaa gubbaatti jechoota "Sana barachaa jirra" jedhan, itti aansuunis akeeka barumsaa lama kan ijoolleen dhiheessi barsiisaa dhaggeeffatanii fi barumsa yeroo Macaafa Qulqulluu erga xumuranii booda hubataniiru jedhamee abdatamudha. Akeekni barumsaa inni jalqabaa beekumsa waa'ee seenaa wajjin kan wal qabatu yoo ta'u, inni lammaffaan immoo ijoolleen waa'ee beekumsa sanaa akka yaadan, hojii irra oolchaniif fi deebii akka kennan kan jajjabeessudha. Akeekni barumsaa kunniin yaad-rimeewwan/dhugaa isa ijoo barumsicha keessatti barsiifaman sirriitti kan ibsu yoo ta'u, barsiisonni madaallii dhuunfaa isaanii baruuf fi barumsa kenname sanaaf itti fayyadamuuf barbaaduu danda'u.
- **Seensa** - Barumsi hundi "bakka ijoolleen jiranitti" muuxannoo isaan qabaniin jalqabama. Ijoolleen jalqaba seenaa irratti mari'achuu keessatti akka wal-qunnaman dandeessisuuf karaaleen adda addaa itti fayyadamuu danda'an yaadameera.
- **Barsiisi** - Qabxiileen Ijoo seenaa kennamaniiru. Barsiisonni yeroo seenaa himan wantoota kana eeruun akka hin barbaachifne abdiif qabna garuu seenaa sana beekaniif karaa hawwataa fi kaka'umsa qabuun barsiisuu akka danda'an abdiif qabna. Barsiisaan, ijoolleen barumsa ijoo seenaa irraa argatan akka hubataniif fi gaafii seenaa irraa ka'uf deebii kennuu akka danda'an ni gargaara. Akka barbaachisummaa isaatti ibsa tokko tokko seenaa himuutti walitti makuuf yaalleerra. Isaan kun yeroo hunda *ITALICS* keessatti hammatamaniiru.

- **Baradhu** - Tokkoon tokkoon seenaa irratti Keeyyata Ijoo tokkotu maxxane jira. Yeroo tokko tokko, Keeyyata Furtuu kan biraa kan ijoolleen barachuuf salphaa ta'uu danda'u waan itti daballeef, luqqisa Ijoo lamatu jira. Ijoolleen Luqqisa Ijoo barachuu akka danda'anii fi hanga danda'ametti yeroo baay'ee akka yaadachiifaman abdi qabna akka isaan beekumsa Luqqisa Ijoo Macaafa Qulqulluu ijaaruu jalqaban.
- **Xumuri** - Haala mana barumsaa keessatti barsiisaan dandeettii ijoolleen waraqaa hojii xumuruu fi hamma deeggarsa barsiisotaa irraa barbaachisu ni beeka. Gariin isaaniif, ijoolleen waan amma seeneffame hordofaniif, barsiisaan barreeffama barumsichaa dubbisuun isaa ulaagaa ta'a. Ijoolleen kaanis of danda'anii barreeffamicha dubbisuu danda'u ta'a. Haala kamiinuu yoo ta'e, qajeelfama addaa gaaffilee wajjin wal qabatu irratti xiyyeeffannaa ijoollee harkisuun gaarii ta'uu danda'a. Yeroon Macaafa Qulqulluu haala mana barumsaa hin taane keessatti yoo fayyadame, barumsi akka hojii manaa ykn qormaataatti akka hin fudhatamneef barsiisonni gargaaruuf qophaa'uun barbaachisaa dha. Kan nama gammachiisu ta'uu qaba; hojii sana irratti osoo hojjennuu, jajjabeessuu fi faarsuun barbaachisaa dha.
- **Yaadadhu** - Bakka danda'ametti, barumsicha gargaaruuf, akkasumas mala seenaa irra deebi'uuf gargaarutti, gaaffiiwwan, taphoota fi kkf akka yaadaatti ni errama.
- **Agarsiisi** - Haalota tokko tokko keessatti, ergaa seenaa argachuun baay'ee rakkisaa ta'a garuu bakka danda'ametti fakkiwwan ykn meeshaalee irratti xiyyeeffachuun hubannoo seenaa irraa argamu gargaaruun barbaachisaa dha. Meeshaaleen ijaan mul'atan seenaa himuu keessatti gargaarsa guddaa ta'uu danda'u. Bakka barbaachisaa ta'etti tokkoon tokkoon barnoota keessatti odeeffannoo waa'ee suuraa www.freebibleimages.org pictures (FBI) irraa kan marsariitii isaanii irraa buufachuu dandeessan kennineerra. **Xumura Qajeelfama Barsiisaa irratti Dabalata tokko tokko kanneen fakkiwwan Macaafa Qulqulluu Bilisaa adda addaa seenaa tokkoon tokkoon isaaniif mijatan waliin hyperlink qaban jiru.**
- Bakka meeshaan footokoppii argamutti fakkiwwan yeroo Macaafa Qulqulluu tokko tokko guddisuu, halluu itti kennuufi barsiisuu keessatti itti fayyadamuun danda'ama.

Karoora Yeroo

- **Tartiiba** - Tokkoon tokkoon Barnootaaf Qajeelfama Barsiisaa keessatti tartiiba wal fakkaatu jira, garuu barsiisonni kana yeroo yerootti jijjiiruu barbaadu ta'uu danda'a.
 1. Seensaafi seenaa himuu - tilmaamaan daqiiqaa 15
 2. Luqqisa Ijoo Barsiisuu – Daqiiqaa 5-10
 3. Waraqaa hojii xumuruu - daqiiqaa 20
 4. Battalee fi hojiiwwan biroo daqiiqaa 5-10.

Jecha barbaachisaa ta'e yaadadhu:

“Natti himi dagachuu danda'a,
Natti agarsiisi nan yaadadha,
Na hirmaachisi naaf gala.”

Sagantaa barnootaa Yeroo Macaafa Qulqulluu

	SADARKAA 0 (Mana Barumsaa Idilee Duraa) SADARKAA 1ffaa (Umurii 5-7) SADARKAA 2ffaa (Umurii 8-10)	SADARKAA 3ffaa (Umurii 11-13)	SADARKAA 4ffaa (Umurii 14+)
	Barnoota Jalqabaa Seensaa (Oomisha keessa)	Barnoota Jalqabaa Seensaa (Oomisha keessa)	Barnoota Jalqabaa Seensaa (Oomisha keessa)
Tartiiba A	<ol style="list-style-type: none"> 1. Uumama 2. Nohi 3. Pheexiroos 4. Pheexiroos - Fannoo 5. Abrahaam 6. Abrahaam 7. Pheexiroos 8. Pheexiroos 9. Yaaqoob 10. Kiristiyaanota jalqabaa 11. Phaawuloos 12. Seenaa Ayyaana Qillee 	<ol style="list-style-type: none"> 1. Uumama 2. Nohi 3. Pheexiroos 4. Pheexiroos - Fannoo 5. Pheexiroos 6. Abrahaam 7. Yaaqoob 8. Kadhannaa 9. Phaawuloos 10. Phaawuloos 11. Phaawuloos 12. Seenaa Ayyaana Qillee 	<ol style="list-style-type: none"> 1. Uumama & Kufaatii 2. Guddina jalqabaa – Seera Uumamaa 3. Pheexiroos 4. Pheexiroos - Fannoo 5. Pheexiroos 6. Abrahaam 7. Yaaqoob 8. Jireenya Kiristaanaa 9. Phaawuloos 10. Phaawuloos 11. Phaawuloos 12. Seenaa Ayyaana Qillee
Tartiiba B	<ol style="list-style-type: none"> 1. Jireenya Kiristoos Jalqabaa 2. Dinqii 3. Bitaaniiyaa 4. Fannoo 5. Fakkeenya 6. Yooseef 7. Yooseef 8. Namoota Yesus wal arge 9. Musee 10. Musee 11. Musee 12. Seenaa Ayyaana Qillee 	<ol style="list-style-type: none"> 1. Fakkeenya 2. Dinqii 3. Bitaaniiyaa 4. Fannoo 5. Kiristiyaanota jalqabaa 6. Yooseef 7. Yooseef 8. Barreessitoota Wangeelaa 9. Musee 10. Musee 11. Musee 12. Seenaa Ayyaana Qillee 	<ol style="list-style-type: none"> 1. Fakkeenya 2. Dinqii 3. Bitaaniiyaa 4. Fannoo 5. Kiristiyaanota jalqabaa 6. Yaaqoob & maatii isaa 7. Yooseef 8. HoE 2: 42 - Karaa fuulduraa 9. Musee 10. Musee 11. Seera 12. Seenaa Ayyaana Qillee
Tartiiba C	<ol style="list-style-type: none"> 1. Daani'eel 2. Dinqiiwwan Dabalata 3. Namoota Yesus Wal Arge 4. Du'a Kiristoos 5. Ruut & Saamu'eel 6. Daawit 7. Daawit 8. Iyyaasuu 9. Eliyaas 10. Elsaai'i 11. Yoonas 12. Seenaa Ayyaana Qillee 	<ol style="list-style-type: none"> 1. Daniel 2. Namoota Yesus Wal Arge 3. Dinqiiwwan Dabalata 4. Du'a Kiristoos 5. Ruut 6. Saamu'eel 7. Daawit 8. Iyyaasuu 9. Eliyaas 10. Elsaai'i 11. Namoota Waaqayyo itti fayyadamu - Kakuu Moofaa 12. Seenaa Ayyaana Qillee 	<ol style="list-style-type: none"> 1. Daniel 2. Dubbii Yesus 3. Aangoo Gooftotaa 4. Du'a Kiristoos 5. Ruut 6. Saamu'eel 7. Daawit 8. Iyyaasuu 9. Eliyaas 10. Elsaai'i 11. Arfiilee Kakuu Moofaa Caalaa 12. Seenaa Ayyaana Qillee

B7 Seenaa 1

Obboleewwanni Yoseef dhufuu isaanii – Seenaan kun waa’ee bu’aa hammeenya hojjachuuti.

	<p>Akkas barachaa jirra:</p> <ul style="list-style-type: none">• Abjuun Yoseef waa’ee obboloota isaa dhugaa ta’e.• Hammeenyi nuti hojjanus turus nu qabata. <p>Luqqisa Ijoo: <i>Gal. 6: 7</i> Kutaa Macaafa Qulqulluu: <i>Bau. 42: 1-26</i></p>
SEENSA	<p>IBSA Ijoolleen cimdiidhaan waa’ee seenaa Yoseef hanga ammaa jiru akka mari’atan taasisi. Wanta gaarii fi gadhee hanga ammaatti ta’e addaan baasuuf yaali. Obboleessonni isaa hammeenya isarratti ka’anis, wantoonni Yoseefif gaarii turan jechuun walitti qabi. Obboleessonni isaa garu Kana’aan keessatti akkam turan? Seenaan har’aa gara Kana’aanitti nu deebisa.</p>
BARSIISI	<ul style="list-style-type: none">• Biyya Ka’anaatti namoonni beela’aa turan. Hongoon waan tureef, namoonni midhaan nyaataan hin qaban ture. Biyya Gibxii keessatti nyaanni baay’een keefamee akka ol kaa’ame Yaaqoob dhaga’e. Obboleessonni Yoseef gara Gibxiitti gad bu’anii midhaan maatiisaaniif bitanii akka dhufan isaanitti hime. Obboloonni hundinuu, obboleessa Yoseef isa quxusuu Beniyaamiin malee hundinuu dhaqan. Kun maalif ta’e jedhiitii ijoolleen akka beekaniif gaafadhuun. (<i>Bau. 42: 1-5</i>)• Gibxiitti, Yoseef hoogganaa gurguruu nyaataa ture. Obboleessonni isaa yommuu achi ga’an, hundi isaanii gugguufanii Yoseef, bulchaa Gibxiitiif sagadan! (<i>Bau. 42: 6-7</i>)• <i>Abjuu Yoseef waa’ee obboloota isaa osoo isaan isa hin gurgurin dura arge ijoollee yaadachiisa. Abjuun sun akkamitti raawwatamaa akka ture irratti mari’adhaa.</i>• Yoseef akka waan obbolaa isaa hin beekne fakkeesse isaanis akka isa hin beekne. Akka ormaatti isaan ilaalee, ‘Isin gaadduwwan! Lafa kana gaaduuf dhuftan!’ Obboloonnis kun dhugaa akka hin taane itti himan. Namoota amanamoo, hundi isaanii ilmaan nama tokkoo akka ta’an Yoseefitti himan. Obboleessa ‘kana booda’ hin jirree fi obboleessa quxusuu manaa akka qaban Yoseefitti himan. Yoseef dhugaa dubbachuu isaanii qoruuf gara Kana’aanitti deebi’anii obboleessa isaanii isa quxisuu ofii isaanii wajjin akka deebisan isaan gaafate. Deebi’anii akka dhufan mirkaneessuuf obboloota sana keessaa tokko Shimi’oon mana hidhaa keessa turse. (<i>Uma. 42: 8-20</i>).• Obboloota sanatti maaltu akka itti dhaga’amu ijoollee gaafadhu. Waan isaan gidduutti ta’aa ture irratti mari’atan. Waggoota sana hunda dura Yoseef irratti badii akka raawwatan beeku turan. <i>Amma yakkamaa akka ta’an, cubbuun isaanis akka isaan qabate ibsi. Lakkoofsa 32: 23 kan “Cubbuun keessan akka sin qabatu beeka” jedhu ilaali.</i>• Akkaataa isaan Yoseef itti kunuunsaniif Waaqayyo isaan adabaa akka jiru mirkanaa’oo turan. Yoseef wanta isaan dubbatan dhaga’e. Isaan irraa garagalee boo’e. (<i>Uma. 42: 21-24</i>)• Yoseef tajaajiltoonni isaa midhaaniin akka qalqala obboloota isaa guutan ajaje. Maallaqni isaanii qalqala isaanii keessa akka deebi’u godhee imalaaf nyaata isaaniif kenne. Obboloonnis harroota isaanii fe’anii gara abbaa isaaniitti deebi’uuf deeman. (<i>Uma. 42: 25-26</i>) <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali - Obboleessonni Yoseef dhufuu isaanii</p>
BARADHU	<p>Barsiisa fi ibsa, bakka barbaachisaa ta’etti, luqqisii ijoo <i>Gal. 6: 7</i>. Cubbuun yeroo hunda rakkina keessa akka nu galchu ijoollee yaadachiisi. Macaafni qulqulluun kun akka sanyii facaasuu fi sana booda, guyyaa tokko, akka midhaan facaafne walitti qabuu akka ta’e dubbata.</p>
YAADADHU	<p>Akka keessa deebii seenaatti gaaffii kana ijoollee gaafadhu .</p> <ul style="list-style-type: none">• Obboloonni gara Gibxii maaliif daqan?• Gibxii keessatti midhaan eenyutu gurguraa ture?• Obboloonni Yoseef isa beekani?• Yoseef obboloonnisaa maal godhan jedhee isaan yakke?• Yoseef eenyuun gara Gibxiitti akka fidan barbaade?• Obboleessa isa kamtu mana hidhaa keessa ture?• Obboloonni kun hundi akka isaan mudataa ture maalif jedhanii yaadan?

B7 Seenaa 2

Beniyaam fi Oduu Gaddisiisaa - Seenaan kun dhiibbaa gochi keenya namoota biroorratti uumu ibsa.

	<p>Akkas barachaa jirra:</p> <ul style="list-style-type: none"> • Yoseef obboloonni isaa akkamitti isa ilaalanis amma iyyuu inni isaan ni jaallata ture. • Badii hojjennus Waaqayyo tokkoon tokkoon keenya ni jaallata. <p>Luqqisa Ijoo: Efe. 4: 32 Kutaa Macaafa Qulqulluu: Uma. 42: 26 – 44: 13</p>
SEENSA	<p>Ijoolleen obboloota Gibxii irraa gara Kana'aan gara manaatti deebi'aa jiran keessaa tokko akka ta'an akka yaadan taasisi. Amma nyaata maatii kee ittiin soortu qabda! Miirri akkamiitu sitti dhagahama? Amma, mee qalqalloo kee bantee midhaan qofa utuu hin ta'in, Beniyaam ittiin kaffaltu yoo argattu yaadi! Eenyutu achi kaa'e? Kiyoo turee? Bulchaan Gibxii akka ati hatte sitti yaadaa? Nyaata dabalataa argachuuf akkamitti gara Gibxiitti deebi'uu dandeessa? Yookiin immoo, meeshaalee (qalqalloo, nyaata, fi Beniyaam) tokko tokko walitti qabuun kana ijoolleef taphachiisi.</p>
BARSIISI	<ul style="list-style-type: none"> • Obboloonni gara manaatti yoo deebi'an kanatu isaan mudate. Ijoolleen obboloota sanatti maaltu akka itti dhaga'amu akka qoratan gargaari. (Uma. 42: 26-28) • <i>Ijoolleen maaliif Yoseef Beniyaam sana qalqalloo isaanii keessatti akka deebisee akka yaadan gaafadhu. Obboloonni kun cubbuu Yoseef irratti raawwataniin akka ta'e hubachuu isaanii ijoollee yaadachiisi.</i> • Yeroo mana gahan waan ta'e abbaa isaaniitti himan. Bulchaan biyya Gibxii gaadduu jedhae akka isaan himate itti himan. Beniyaam gara isaatti akka fidan barbaade. Yaaqoob kana dhaga'ee maallaqni isaanii ammayyuu qalqalloo isaanii keessa akka jiru yommuu argu sodaate. (Uma. 42: 29-38) <i>Yaaqoob Beniyaam gara Gibxiitti akka gadi bu'u ni eeyyama jettanii yaadduu?</i> • Yeroon akkuma darbaa deemuun beelli kun daran hammaataa dhufe. Maatiin Yaaqoob ammas beela'an. Ijoolleen rakkina Yaaqoob keessa ture akka hubatan gargaari. Obboloonni midhaan dabalataa bitachuuf gara Gibxiitti akka deebi'an gaafate. Yihudaan Beniyaam yoo qabaatan malee deemu akka hin dandeenye itti hime. Nageenya Beniyaam eeguuf itti gaafatamummaa akka fudhatu dubbate. Yaaqoob wanti gochuu danda'u tokko illee hin turre. Nyaata nyaatan isaan barbaachisa ture. Beniyaam gara Gibxiitti akka gadi bu'u walii gale. Obboloonni kun maallaqa dachaa lamaa fi Bulchaadhaaf kennaa akka fuudhan isaanitti hime. (Uma 43: 1-14) <i>Obboloonni kun Bulchaa Gibxii wajjin yommuu wal argan maaltu isaanitti dhaga'ama ture sitti fakkaata?</i> • Obboloonni kun biyya Gibxii ga'anii Yoseef dura dhaabbatan. Yoseef Beniyaam isaan wajjin akka jiru yommuu argu, mana isaa keessatti ayyaana guddaa akka isaaniif qopheessan tajaajiltoota isaa gaafate. Shimi'oon mana hidhaa keessaa akka ba'u godhe. Yoseef bakka ayyaanichaa yommuu gahu obboloonni ammas isaaf sagadan. <i>Ijoollee abjuu Yoseef yaadachiisi. Abbaan isaanii akkam akka jiru isaan gaafatee Beniyaam waliin haasa'e. Yoseef baay'ee gadduu isaarraa kan ka'e kutaa sana keessaa ba'uu qaba ture. Wanti kammiyyuu isa mudatus, amma iyyuu obboloota isaa ni jaallata ture. Keessattuu Beniyaam obboleessa isaa guutuu kan ture. Yoseef yommuu deebi'u nyaanni ni dhihaate, nyaatas waliin nyaatan. (Uma 43: 15 – 34). Badii yommuu hojjennullee Waaqayyo nu jaallachuu isaa akka itti fufu ibsi.</i> • Borumtaa isaa ganama obboloonni kun qalqalloo isaanii midhaan guutuun qabataniin gara Kana'aan deeman. Yeroo kanatti Yoseef xooffoo isaa isa addaa meetii irraa hojjetame qalqalloo Beniyaam keessa akka galfamu qopheessee ture. Yoseef namoota isaa obboloota sana duukaa buusee xooffoo sana akka barbaadan erge. Xooffoon sun qalqalloo Beniyaam keessatti argame! Ammas gara Gibxiitti deebi'uu qabu turan! (Uma 44:1-13) <i>Amma maaltu isaanitti dhaga'ame? Ijoolleen waan itti aanu tilmaamu danda'uu?</i> <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali - Beniyaam fi Oduu Gaddisiisaa</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Efe. 4:32. <i>Jecha 'dhiifama' jedhu irratti mari'adhaa. Waaqayyo akka nu jaallatuu fi yeroo hundumaa wanta dogoggora hojjenneef dhiifama yeroo gaafannu, dhiifama nuuf gochuuf qophaa'aa akka ta'e ijoolleef ibsi.</i></p>
YAADADHU	<p>Akka keessa deebii seenaatti gaaffii kana ijoollee gaafadhu .</p> <ul style="list-style-type: none"> • Obboloonni kun qalqalloo isaanii keessaatti maal argatan? • Yaaqoob Beniyaam gara Gibxii akka deemu barbaadee jirra? Maaliif hin barbaadne? • Beniyaam eeguuf eenyutu walii gale? • Yoseef Beniyaamiin yommuu argu maaltu itti dhaga'ame? • Yoseef amma iyyuu obboloota isaa ni jaallataa turee? • Xooffoon sun qalqalloo eenyuu keessatti argame? • Dhiifama gochuu jechuun maal jechuudha? • Dhiifama Waaqayyo biraa nu barbaachisa? Maalif?

B7 Seenaa 3

Araara fi Oduu Gammachiisaa - Seenaan kun akkamitti akka waliif dhiifama gochuu qabnu nu barsiisa.

	<p>Akkas barachaa jirra:</p> <ul style="list-style-type: none"> • Yoseef obboloota haala isaan isa ittiin kunuunsaniif dhiifama godheera. • Waaqayyo tokkoon tokkoon keenya ni jaallata, wanta dogoggoraa hojjennetiifis dhiifama nuuf gochuu barbaada. <p>Luqqisa Ijoo: Uma. 45: 8 Kutaa Macaafa Qulqulluu: Uma. 44: 14 – 45: 28</p>
SEENSA	<p>Daawwannaa obboleessonni kun hanga ammaatti gara Gibxiitti godhan ijoollee yaadachiisi. Xofoon meetii, kan Yoseef ta'e, qalqalloo Beniyaam keessatti argameera. Obbolloonni gara Gibxii laphee ulfaataadhaan deebi'u. Bulchaan maal godha? Beniyaam ni ajjeefama moo tajaajilaa ta'ee akka turuuf dirqisiifama? Beniyaamiin malee gara Kana'aanitti yoo deebi'an abbaan isaanii maal ta'a?</p>
BARSIISI	<ul style="list-style-type: none"> • Obbolloonni kun deebi'anii mana Yoseef ga'an. Xofoo meetii isaa waan fuudhaniif akka waan baay'ee isaanitti aaree fakkeesse. Yihudaan sagalee isaa ol qabee dubbate. Haalli gaddisiisaan kun kan isaan muudate namoota yakkamaa waan ta'aniif akka ta'e ni beeka ture. <i>Jecha 'yakkamaa' jedhu ibsi.</i> Obbolloonni kun tajaajiltoota Yoseef ta'uuf of dhiheessan. Haa ta'u malee, Yoseef, hojjetaa isaa ta'ee kan hafu qalqalloo isaa keessatti xofoon meetii kan argame akka ta'u dubbate. Beniyaam duubatti hafuu qaba ture! (Uma. 44: 14-17) • Yihudaan ammas deebisee Yoseefitti dubbate. Beniyaam yoo manatti hin deebine abbaan isaa gaddaan akka du'u Yoseefitti hime. Yihudaan qooda Beniyaam akka hafuuf of dhiheesse. (Uma. 44: 18-34) <i>Obbolloonni kun lapheen isaanii akkamitti akka jijjiirame irratti mari'adhaa. Obboleessi yaadni isaa Yoseef garbummaatti gurguruu ture sun amma ofii isaatii garba ta'uuf dhiheessaa ture! Yoseef obbolloonnisaa walii fi abbaa isaanii akka kunuunsan hubachuu danda'eera.</i> • Yoseef yeroon dhugumaan eenyu akka ta'e obboloota isaatti himuu akka ga'e beeka ture. Obboloota isaa irraa kan hafe nama hunda kutaa sana keessaa akka ba'an gaafate achiis 'Ani Yoseef' jedheen. <i>Amma obboloota sanatti maaltu akka dhaga'amu irratti mari'adhaa. Yoseef haaloo ba'uu ni barbaadaa?</i> Haa ta'u malee, Yoseef kun hundinuu jalqabarraa kaasee kutaa karoora Waaqayyoo akka ta'e isaaniif mirkaneesse. Waaqayyo Yoseef yeroo beelaatti achitti argamee lubbuu isaanii akka oolchuuf isaaniin dura gara Gibxiitti isa erge. (Uma. 45: 1-8) <i>Yooseef obboloota isaaf dhiifama gochuu isaa irratti mari'adhaa. Waaqayyo yommuu dhugaadhaan gaddinu wanta dogoggoraa hojjanne nuuf dhiisa. Akkuma Yihudaa seenicha keessa jiruutti, nuti yakkamaa ta'uu keenya hubachuu fi wantoota dogoggoraa jireenya keenya keessatti mul'ataniif itti gaafatamummaa fudhachuuf qophaa'uu keenya qabna.</i> • Yoseef ammas beelli waggoota shan dabalataaf akka jiru beeka ture. Maatii isaa nagaan eegu barbaade. Obboleeyyan isaa gara manaatti deebi'anii waan ta'e abbaa isaaniitti akka himaan isaanitti hime. Achiis meeshaasaanii hunda qabatanii Gibxii jiraachuuf dhufuu qabu turan. (Uma. 45: 9-28) <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali - Araara fi Oduu Gammachiisaa.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Uma. 45: 8. (Kutaa luqqisichaa isa jalqabaa qofa fayyadamuun ni danda'ama) Jireenya Yoseef keessatti wanti ta'e hundinuu yeroo beelaatti maatii Yaaqoob baraaruf karoora Waaqayyoo akka ta'e ijoollee yaadachiisi.</p>
YAADADHU	<p>Akka keessa deebii seenaatti gaaffii kana ijoollee gaafadhu .</p> <ul style="list-style-type: none"> • Qalqalloo Beniyaam keessatti maaltu argame? • Yoseef tajaajilaa isaa ta'ee akka hafu eenyuun barbaade? • Bakka Beniyaam bu'ee turuuf eenyutu of dhiheesse? • Beniyaam gara biyyaatti yoo hin deebine Yaaqoob maaltu isa mudata? • Yoseef obbolloonnisaa garaan isaanii jijjiiramuusaa akkamitti beeke? • Yoseef obboloota isaatiif dhiifama godheeraa? • Cubbuun keenya Waaqayyo biraa akka nuuf dhiifamuuf maal gochuu qabna?

B7 Seenaa 4

Gibxii keessatti waliin - Seenaan kun karoorra Waaqayyoo Yoseefiif qabuudha

	<p>Akkas barachaa jirra:</p> <ul style="list-style-type: none">• Yoseef abbaa isaa Yaaqoob wajjin deebi'ee walitti dhufe.• Waaqayyoo haala gadhee keessaa waan gaarii baasuu kan danda'u yoo guutummaatti isa amananneedha. <p>Luqqisa Ijoo: Uma. 50: 20 Kutaa Macaafa Qulqulluu: Uma. 46: 1-34</p>
SEENSA	<p>Waa'ee deebi'anii walitti dhufuu, fi nama yeroo dheeraaf hin argine waliin wal quunnamuu haasa'aa. Maatii keessan keessatti kun ta'ee beekaa? Yeroo tokko tokko namoonni baay'ee waan gammadaniif gammachuudhaan boo'u!</p> <p>Seenaa har'aa keessatti waa'ee walitti dhufeenya ajaa'ibaa dhaga'uuf jirra.</p>
BARSIISI	<ul style="list-style-type: none">• Yaaqoob (Israa'el) fi maatiin isaa meeshaa isaanii qopheeffatan. Beeylada isaanii walitti qabaniin gara Gibxiitti imalaaf ka'an. Karaa irratti iddoo Bersheebaa jedhamu ga'anii aarsaa Waaqayyooof dhiheessuuf dhaabbatan. <i>Waaqayyoo isaan eeguu isaatiif baay'ee akka isaan galateeffatan ibsi! (Uma 46: 1).</i>• Waaqayyoo abjuudhaan Yaaqoobitti dubbate. Yaaqoob biyya Gibxii jiraachuuf akka hin sodaanne itti hime. Gibxiitti Waaqayyoo Yaaqoob eebbisee maatii isaa saba guddaa gochuuf ture. Yaaqoob wajjin akka ta'u waadaa gale. (Uma 46: 2-4).• <i>Waaqayyoo yeroo hundumaa waadaa isaa akkamitti akka eegu irratti mari'adhaa.</i>• Yaaqoob fi maatiin isaa Bersheebaa irraa gara Gibxii dhufan. Tuutni isaanii baay'ee ture! Walumaagalatti maatiin Yaaqoob amma Gibxii keessa 70 turan! (Uma. 46: 5-27)• Hundi isaanii biyya Gooshen kan kutaa Gibxii taate yommuu gahan Yoseef isaan simachuuf dhufe. Waggoota kana hunda booda abbaa isaa arguun isaa baay'ee gammachiise. Harka isaa abbaa isaatti maree yeroo dheeraaf boo'e. Fara'oon mootichi akka dhufan dhaga'e. Akka isaan simataman godhee biyya Gooshen keessa akka waliin jiraatan hayyame. (Uma 46: 28-34)• <i>Xumura gammachiisaa kana ijoollee wajjin mari'adhaa. Yeroo gaarii fi yeroo hamaatti akkuma Yoseefitti Waaqayyoon amanachuu akka qabnu ibsi. Haala gadhee keessaa gaarii akka baasu Waaqayyoootti hirkachuu kan dandeenyu yoo guutummaatti isa amananneedha.</i> <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali - Araara fi Oduu Gammachiisaa</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo (Uma 50: 20) Seenaa guutuu gabaabsuuf luqqisii kanatti fayyadami. Obbolloonni kun Yoseef miidhuuf kan yaalan akkamitti? Waaqayyoo kana akkamitti gara haala gaariitti kan jijjiire? Ijoolleen jireenya tokkoon tokkoon keenyaa Waaqayyoo akka to'atu akka hubatan mirkaneessi.</p>
YAADADHU	<p>Akka keessa deebii seenaatti gaaffii kana ijoollee gaafadhu .</p> <ul style="list-style-type: none">• Maatiin Yaaqoob gara eessatti deemaa turan?• Aarsaa dhiheessuuf eessatti dhaabbatan?• Waaqayyoo Yaaqoobiif abdii akkamii kenne?• Yeroo Gooshen ga'an eenyutu isaan qu unnamuuf dhufe?• Maatii Yaaqoob keessaa meeqatu amma Gibxii keessa jiraachaa ture?• Jireenya Yoseef keessatti wanti nama gaddisiisu ni mudate. Waaqayyoo xumura gammachiisaa kan fide akkamitti?

B8 Seenaa 1

Namoota Yesus qunname: dubartitti dhukkubsatte - Seenaan kun waa'ee humna fayyisuu goofticha Yesus.

	<p>Akkas barachaa jirra:</p> <ul style="list-style-type: none"> • Yesuus ilma Waaqayyoo waan ta'eef namoota fayyise. • Gooftaan Yesuus jireenya keenya keessatti waan gaarii hojjechuu ni danda'a. <p>Luqqisa Ijoo: <i>HoE. 10: 38</i></p> <p>Kutaa Macaafa Qulqulluu: <i>Luq. 4: 38 - 44</i></p>
SEENSA	<p>Ijoolleen ka'anii sochii qaamaa armaan gadii "bakka sanatti" akka hojjetan gaafadhu - fkn. utaaluu, suksukuu, ariitiin fiiguu, suuta utaaluu, hiriiruu, harka fayyadamuun qilleensa fuulduraa rukutuu yookiin iddoon ni gaha yoo ta'e tapha ibsaa tiraafikaa taphachuu danda'u. Halluu tokko yeroo waamtu ijoolleen qajeelfama kee ni hordofu - Diimaa = tasgabbaa'anii turuu, Burtukaana = bakkuma sanatti suksuku, Magariisaan = socho'uu. Ijoolleen ibsaa tiraafikaaf hin ajajamne taphaan ala ta'u.</p> <p>Dhuma irrattis waan isaan fayyaa fi nagaa ta'aniif kanaan gammaduu akka danda'an isaaniif ibsi. Yeroo dhukkubni nutti dhaga'amu fi siree irra ciisuu qabnu nama hin gammachiisu. Bara Yesuus dhukkubsattooni baay'een kan turan ta'us ogeeyyiin fayyaa ykn qoricha isaan gargaaru hin turre. Ijoollee seensa kana irratti hirmaachuu hin dandeenye kamiyyuu irratti miira qabaadhu. Akka filannootti, har'a doktora ta'uun maal akka fakkaatu haasa'aa- waa'ee dhukkuba baay'ee beekuun, qoricha ajajuun, hojiin qabamuun, yeroo tokko tokko gargaaruu danda'uu, garuu yeroo tokko tokko akkas hin ta'u. Seenaa har'aa keessatti waa'ee doktora hunda caalaa dinqisiisaa ta'e - Goofticha Yesuus baruuf akka deemnu ibsi!</p>
BARSIISI	<ul style="list-style-type: none"> • Yesus mana sagadaa (<i>gamoo Yihudoonni waa'ee Waaqayyoo barachuuf itti walga'an</i>) keessatti namoota barsiisaa ture. Nama tokkos fayyisee ture. Amma yeroon duuka buutota biroo tokko tokkoo wajjin mana Simoon daawwachuu ga'eera. Garuu rakkoon uumame. Amaatiin Simoon (<i>kana jechuun maal jechuu akka ta'e ibsi</i>) ho'a qaamaatiin baay'ee dhukkubsattee turte. Ho'i qaamaa akkamitti akka isheetti dhaga'amu ibsi - baay'ee ho'aa fi qaama hunda kan dhukkubsu. Simoon fi warri kaan Yesus ishee fayyisuu akka danda'u waan beekaniif, Yesusin gargaarsaaf gaafatan. <i>Yesus gargaaruu danda'a jedhanii kan yaadan maaliifi? (Luq. 4: 38)</i> • Yesus gargaaruuf fedhii qaba ture. Harka giiftii sanaa tuqee ho'a qaamaasheetti dubbatee ergasii akka kaatu ishee gargaare. Akka tasaa isheen fooyya'ee nyaata dhiheessuu eegalte. Akka waan wanti tokkollee ishee mudatee hin beekneetti ture! <i>Ijoolleen waan nammoonni waliin jechuu danda'an tokko tokko akka yaadan gaafadhu. (Luq. 4: 39)</i> • Galgala sana akkuma aduun lixxu; namoonni hedduun namoota dhukkubaa fi rakkoo qaban gara Yesusitti fidan. <i>Gosa namoota achitti argamuu danda'anii fi maaliif akka dhufan xiinxali. Yesus dhuma guyyaa sanaatti maaltu itti dhaga'aama laata? Hammam halkanaa'us, Yesus amma iyyuu nama hundumaaf yeroo qaba ture. Tokkoon tokkoon isaanii irra harka isaa kaa'e. Namni osoo hin fayyin hafe hin jiru. Ammas deebii ummanni kennu qoradhu. (Luq. 4: 40-41)</i> • Borumtaa isaa ganama, Yesus bakka tasgabbaa'aa abbaa isaa itti kadhachuu danda'u argate. Garuu ammas ummanni Isa barbaadaa dhufe! Waa'ee humna isaa isa dinqisiisaa ni beeku turan. <i>(Luq. 4: 42)</i> • Har'as gooftaan Yesus namootaaf ni yaada, gargaaruus ni barbaada. Jireenya keenya keessatti wanta gaarii hojjechuu kan danda'u yommuu isatti amanamuuf fedhii qabaannudha. <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali - Namoota Yesus qunname: dubartitti dhukkubsatte.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo HoE 10: 38. Luqqisii kana keessaa hamma gareen kee hubachuu danda'u filadhu.</p>
YAADADHU	<p>Akka keessa deebii seenaatti gaaffii kana ijoollee gaafadhu .</p> <ul style="list-style-type: none"> • Yesus mana sagadaa keessatti maal hojjechaa ture? • Yesus mana eenyuu daawwate? • Eenyuutu ho'a qaamaa qaba ture? • Yesus ishee fayyisuuf wantoota lama akkamii godhe? • Erga fayyitee booda maal goote? • Namoonni baay'inaan gara Yesus dhufuu kan itti fufan maaliifi? • Yesus ganama itti aanutti wanta barbaachisaa akkamii godhe? • Jecha hanqate, "Yesus ____ hojjachaa naanna'e" jedhu guuti.

B8 Seenaa 2

Namoota Yesus qunnaman: Namicha dhukkuba laamxiin qabame - Seenaan kun waa'ee jaalala Yesus.

	<p>Akkas barachaa jirra:</p> <ul style="list-style-type: none"> • Yesuus nama dhukkuba lamxiin qabame fayyisuun jaalala isaa argisiiseera. • Yesus nu jaallata, jireenya keenyas jijjiiruu barbaada. <p>Luqqisa Ijoo: <i>Luq. 7: 22</i> Kutaa Macaafa Qulqulluu: <i>Luq. 5: 12 – 16</i></p>
SEENSA	<p>Ijoollee waa'ee dhukkuboota daddarboo isaan mudachuu danda'an gaafadhu, fkn. Gifira, shiftoo. Waa'ee namoota biroo irraa fagaachuu fi sochii idilee raawwachuu dhiisuu haasa'i. Bara Yesusitti dhukkubni lamxii dhukkuba gogaa beekamaa ta'ee fi nama tokko irraa gara nama biraatti akka daddarbu ibsi. Namoonni isaan qabaman kana booda maatii isaanii wajjin jiraachuus ta'e gara hojiitti deemuu hin danda'an. Qorichi hin turre! Gareen kun sadarkaa kunuunsa fayyaa kamiyyuu akka galateeffatu jajjabeessi – tarii kana kadhannaadhaan ibsuu dandeessa.</p>
BARSIISI	<ul style="list-style-type: none"> • Gaaf tokko, namni dhukkuba lamxii baay'ee hamaa qabu tokko Yesusitti dhihaate. Innis Yesus fuulduratti jilbeenfatee gargaarsa akka argatu kadhate. Innis, "Gooftaa, yoo fedha kee ta'e, na qulqulleessuu dandeessa" jedheen. Kunis namichi Yesus fedhii yoo qabaate isa qulqulleessuuf humna akka qabu akka beeku argisiisa. Yesus maal gochuu akka danda'u tilmaami. <i>Yesus nama dhukkuba daddarbaa qabu tokkoo wajjin walitti dhufeenya qabaachuu ni barbaadaa? Namicha kana fooyyessuuf fedhii qabaa? (Luq. 5: 12)</i> • Yesus namicha gargaaruu akka barbaade beekamaadha. Baay'ee isa jaallate, hammam gargaarsi akka isa barbaachisu ni beeka ture. Achiis Yesus wanta dinqisiisaa tokko raawwate. Innis harka isaa diriirsee namicha tuqee, "Fedhiin qaba. Qulqullaa'i!" Yesuus namicha tuquudhaan dhukkuba lamxiitiin hin qabamne garuu inumaayyuu namichi battaluma sanatti fooyya'e. <i>Gogaan isaa akkamitti akka sirrii fi fayyaa ta'e ibsi; akkasumas ajaa'ibsiifannaa fi galata namichaa irratti xiinxali. (Luq. 5: 13)</i> <i>Kun dinqii biraa ture. Yesus ammas humna guddaa dhukkubaa fi jireenya namootaa jijjiiruu qabu agarsiisee ture.</i> • Macaafni qulqulluun cubbuu keenya dhukkuba lamxii wajjin wal bira qaba. <i>Cubbuun maal akka ta'ee fi akkamitti jireenya keenya akka balleessu dubbata. Yesus inni cubbuu hin qabne cubbamoota hunda keenya fayyisuuf gara lafaa dhufuuf fedhii qaba ture. Wanta dogoggoraa hojjennus nu jaallata. Fedhii yoo qabaanne dhiifama nuuf gochuu fi cubbuu keenya irraa nu qulqulleessuu danda'a. Jireenyi keenya keessaan jijjiiramu danda'a.</i> • Yesuus namicha erga fayyisee booda akka inni fayye agarsiisuuf gara lubaatti akka deemee itti hime. <i>Amma booda jireenyi isaa akkamitti adda ta'a?</i> Namichi guyyaa Yesusiin wal arge yoomiyyuu hin dagatu. (Luq. 5: 14) Gooftaa Yesuus cubbuu keenya akka nuuf dhiisu yoo kadhane, guyyaan jireenya keenyaas isa hunda caalu ta'a. <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali – Namoota Yesus qunname: Namicha dhukkuba laamxiin qabame</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Luq. 7: 22. Luqqisiin kun karaalee gooftaan Yesuus jireenya namootaa ittiin jijjiiru jaha tarreessa. Hunduma isaa tartiiba qabsiisuun ulfaataa ta'uu danda'a – tokkoon tokkoon gaaleetiif maayimii salphaa fayyadamuu yaali fkn. jaamaa= ijatti akeeki, deemsa laamsha'aa= achumatti deemi, warri dhukkuba lamxii qaban = gogaa harka harkaa tuqi. Akkasumas, yoo gaaleewwan baay'ee dheeraa ta'an gareewwan adda addaatti qoodi. Ijoolleen sadarkaa 2ffaa beekumsa Macaafa qulqulluu gaarii qaban fakkeenya namoota Yesus garee tokkoon tokkoon keessa fayyise kennuuf yaaluu danda'u.</p>
YAADADHU	<p>Himoota sobaaf/dhugaa armaan gadii battalleef fayyadami.</p> <ul style="list-style-type: none"> • Dhukkubni lamxii dhukkuba daddarbaa dha. • Namichi maatii isaa waliin qofa akka ta'u eeyyamameef. • Yesus duratti kufee jilbeenfate. • Namichi Yesus isa fooyyessuu danda'uu fi dhiisuu isaarratti mirkanaa'aa hin turre. • Yesus isa tuqe. • Yesuus ilma Waaqayyoo waan ta'eef isa fayyisuu danda'eera. • Daqiiqaa muraasa booda ni fayye. • Deemee lubatti of agarsiisuu qaba ture. • Hundi keenya dhukkuba cubbuu jedhamu qabna. • Gooftaan Yesuus nu jaallata, cubbuu keenyaafis dhiifama nuuf gochuuf fedhii qaba.

B8 Seenaa 3

Namoota Yesus qunname: Namicha gargaarsa hin qabne - Seenaan kun waa'ee cubbuu namaaf dhiisuu Yesusiti.

	<p>Akkas barachaa jirra:</p> <ul style="list-style-type: none"> • Yesus nama laamsha'e fayyisuu qofa utuu hin ta'in cubbuu isaa dhiifama gochuuf humna qaba ture. • Yesus cubbuu keenyaaf dhiifama gochuuf humna qaba. <p>Luqqisa Ijoo: <i>Luq. 5: 24</i> Kutaa Macaafa Qulqulluu: <i>Luq. 5: 17 – 26</i></p>
SEENSA	<p>Ijoolleen mana barumsaatti ykn mana keessatti hiriya isaani gargaaruuf wantoota gochuu danda'an akka yaada kennan gaafadhu. Gargaarsa isaani galateeffadhu. Seenaa har'aa keessatti hiriyoanni afur, hiriya isaani kan deemuu hin dandeenye, gara Yesusitti baatanii deeman. Yoo danda'ame, silaa akkamitti akka kana godhan ibsuuf akka gargaarsa mul'ataatti minxaafii qabaadhu. Maaliif gara Yesusitti isa fidan? Eeyyee, Yesus hiriya isaani fayyisuuf humna akka qabu beeku turan.</p>
BARSIISI	<ul style="list-style-type: none"> • Yesus bira ga'uun garuu akka isaan eeganitti salphaa hin turre. Namoonni baay'een duraanuu Yesusiin dhaggeeffachuuf mana sanatti walitti qabamaniiru. <i>Nutis dubbii Yesus dhaggeeffachuu barbaaduun keenya barbaachisaadha.</i> Balbalaan seenuun waan hin danda'amneef, namicha baatanii sadarkaa cinaa manaa jiruun gara bantiitti ol ba'an. Isaan gargaaruu kan danda'u Yesus qofa akka ta'e waan beekaniif salphaatti abdi kutachuuf hin turre! <i>Ijoolleen namoonni mana jala jiru keessa dhaabbataniif boolli bantii irratti mul'atee namichi of eeggannoodhaan miila Yesus fuulduratti gadi yommuu bu'u maaltu isaanitti dhaga'amu akka danda'u akka tilmaaman gaafadhu. (Luq. 5: 18-19)</i> • <i>Yesus namicha akkamitti fayyisa? Ijoolleen seenaa amaatii Pheexiroosii fi nama dhukkuba lamxiin qabame keessaatti Yesus akkamitti akka fayyise akka yaadatan gaafadhu.</i> Seenaa har'aa keessatti garuu, Yesus namichatti akkas jedhee dubbatee, "Namicha nana cubbuun kee siiif dhiifameera," jedhe. Namoonni mana keessa turan tokko tokko ni aaran. Yesus cubbuuf dhiifama gochuu danda'a jedhanii hin amanne. Cubbuu dhiifama gochuu kan danda'u Waaqayyo qofa jedhanii waan yaadaniif Yesus ilma Waaqayyoo ta'uu isaa hin amanne. Yesus wanta isaan yaadaa turan ni beeka ture. Yaada keenyas ni beeka! (Luq. 5: 20 – 24) • Yesus isaan jireenya namichaa keessa arguu osoo hin dandeenye iyyuu dhuguma cubbuu namichaaf dhiifama akka godhe isaaniif mirkaneessuu barbaade! Kanaaf, nama gargaarsa hin qabne sanaan ka'ee, siree isaa fudhatee gara manaatti akka deebi'u itti hime. Battalumatti namichi kana godhee Waaqayyoon galateeffachaa deeme! Namni hunduu ajaa'ibsiifate. Humni Yesus miila namichaa fayyisuu qofa osoo hin taane, cubbuus dhiifama gochuu danda'a! Namni biraa aangoo akkanaa hin qabu ture! (Luq. 5: 24 – 26) • Wanti nu barbaachisu inni guddaan cubbuun keenyaaf dhiifama argachuudha. <i>Seenaa 2ffaa keessatti ijoolleen maal akka baratan irra deebi'ii – cubbuun maal akka ta'e, akkamitti hariiroo Waaqayyoo wajjin qabnu akka balleessu fi bantii Waaqayyoo keessaa akka nu baasu.</i> Gooftaan Yesuus cubbuu mataa isaa waan hin qabneef cubbuu keenyaaf dhiifama gochuuf humna qaba. Adabbii cubbuu keenyaa fudhachuuf fannoo irratti du'uuf fedhii qaba ture. Cubbuu keenyaaf dhugaadhaan gaddinee gooftaan Yesuus karaa itti dhiifamni nuuf godhamu waan nuuf qopheesseef galateeffachuu qabna. <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali – Namoota Yesus qunname: Namicha gargaarsa hin qabne</p>
BARADHU	<p>Luqqisii Ijoo isa qaama seenichaa ta'e barsiisi. Luq. 5: 24. "Ilma Namaa" jechuun maqaa biraa gooftaa Yesuus ta'uu isaa ibsi.</p>
YAADADHU	<p>Akka keessa deebii seenaatti gaaffii kana ijoollee gaafadhu .</p> <ul style="list-style-type: none"> • Namichi hiriyoota meeqa qaba ture? • Rakkoon namichaa maal ture? • Hiriya isaani gara Yesusitti geessuun kan ulfaate maaliifi? • Akkamitti gara manichaatti seenan? • Yesus jalqaba namichaan maal jedhe? • Namoonni tokko tokko kan aaran maaliifi? • Yesus cubbuu namichaaf dhiifama akka godhe akkamitti argisiise? • Gooftaan Yesuus wanti nuuf gochuu danda'u inni guddaan maali?

B8 Seenaa 4

Namoota Yesus qunname: Maatewos - Seenaan kun waa'ee Yesus duuka buu'uuti.

SEENSA	<p>Akkas barachaa jirra:</p> <ul style="list-style-type: none"> • Yesus jireenyi Maatewos maal akka fakkaatu beeka ture, garuu ammas akka isa duukaa bu'u barbaada ture. • Yesus akka isa duuka buunu barbaada. <p>Luqqisa Ijoo: <i>Luq. 5: 32</i> Kutaa Macaafa Qulqulluu: <i>Luq. 5: 27 - 32</i></p>
SEENSA	<p>Ijoollee wajjin waa'ee gosoota hojii yeroo guddatan hojjechuu barbaadan irratti mari'adhaa. Hojiiwwan kana hojjechuun maalif gaarii akka ta'u madaali.</p> <p>Yookaan</p> <p>Ijoolleen maal akka ta'an akka tilmaamaniif hojiiwwan hawaasa keessan keessatti beekaman tokko tokko irratti maayimii sasalphoo hojjadhaa.</p> <p>Seenaan har'aa waa'ee nama Maatewoos (Leewwii) jedhamu kan qaraxa sassaabaa ture akka ta'e ibsi. Karaa cinaa taa'ee gibira ummata irraa walitti qabuun warra Roomaa itti gaafatamaa biyyattii ta'aniif dabarsaa ture. Har'as gibira kaffaluu fi maalif akka itti fayyadamnu eeruu ni barbaadda ta'a.</p> <p>Haala nama gaddisiisuun namni tokkollee dhugumaan Maatewosiin hin jaallatu turre. Namoonni gibira sassaaban diinaaf (warra Roomaa) waan hojjetaniif qofa osoo hin taane yeroo tokko tokko maallaqa argachuu qaban caalaa fudhatanii ofii isaaniif waan hambifatanii jibbamaniiru.</p>
BARSIISI	<ul style="list-style-type: none"> • Gaaf tokko Yesus Maatewos hojii isaa hojjechaa akka jiru arge. <i>Yesus waa'ee Maatewos maal akka yaade tilmaami - Maatewos nama akkamii akka ta'e beekaa? Eeyyee beekamaadha ...Waa'ee tokkoon tokkoon keenyaa waan hundumaa ni beeka. Yesus Maatewos wajjin walitti dhufeenya qabaachuu ni barbaadaa? Eeyyee! Maatewos dhugamaan gosa nama Yesus gargaaruuf dhufe ture - Jireenya Maatewos jijjiiruu danda'a! Kanaaf, Maatewos cinaa dhaabatee, "Na duukaa bu'i" jedhe. (Luq. 5: 27) Maatewos maal godha? Filannoo Maatewos gochuu qabu dhiheessi.</i> • Maatewos waan gochuu barbaadu battaluma sanatti beeka ture. Inni Yesusiin duukaa bu'a! Yesus isa afeeruunsaa baay'ee nama dinqisiisa! Innis ka'ee, waan hundumaa dhiisee, Yesuus wajjin deeme. (Luq. 5: 28) <p>Goftaan Yesus tokkoon tokkoon keenyaaf akka isa duuka buunuuf afeerraa akka nuuf kennuu fi jireenya keenya keessatti akka isa qabaannu akka afeerraa nuuf kennu ibsi. Nutis filannoo gochuu qabna.</p> <p>Maatewos michoonnisaa Yesusiin akka wal arganii fi jireenyi isaa akkamitti akka jijjiirame akka isaanitti beeksisuu barbaade. Kanaaf, Yesusii fi duuka buutota isaa wajjin mana isaa keessatti irbaata nyaachuuf isaan affeere. Namoonni achi turan tokko tokko Yesus Maatewosii fi michoota isaa wajjin walitti makamuun isaa dogoggora akka ta'e yaadan. Yesus cubbamoota utuu hin ta'in namoota gaarii wajjin yeroo dabarsuu qaba jedhanii yaadan. Isaan namni hundi cubbamaa ta'uu isaa hin hubanne. Yesus maalif gara lafaa akka dhufe isaaniif ibse – namoota jireenyi keenya ga'aadha jedhanii yaadaniif osoo hin taane warra cubbuu akka hojjatan beekaniif fi cubbuu isaaniitti gaddaniifi. (Luq. 5: 29 – 32)</p> <p>Yesuus cubbuu hin jaallatu, garuu cubbamoota akka Maatewos fi nu ni jaallata! Nutis isa duukaa bu'uu fi dhiifama argachuuf isa amanachuu qabna.</p> <ul style="list-style-type: none"> • Booda Waaqayyo Maatewos hojii baay'ee barbaachisaa ta'e akka hojjetuuf filateen. Kitaaba kakuu haaraa isa jalqabaa barreesse. Guyyaan inni Yesusiin duukaa bu'ee Yesus jireenya isaa keessatti wantoota dogoggora ta'an akka ilaalu murteesse guyyaa baay'ee gammachiisaa ture. Sana booda jireenyi isaa jijjiirame. <p>Barumsa yeroo Macaafa Qulqulluu xumuri. Agarsiisi: Liinkii FBI dabalata A irratti ilaali – Namoota Yesus qunname: Maatewos.</p>
BARADHU	<p>Bakka barbaachisaa ta'etti, luqqisii ijoo Luq. 5: 32 barsiisaa ibsi. Jechoota ulfaatoo kamiyyuu ibsaa – fkn. qajeelaa fi qalbii jijjiirannaa.</p>
YAADADHU	<p>Haala daree keessatti ijoolleen suuraa namoota adda addaa Yesus seenaa kana keessatti wal bare irraa ijaarame kolaajii hojjechuu danda'u. <u>Yookiin</u> immoo battallee keessa deebii B8 hunda irratti hundaa'e qabaachuu dandeessa, gaaffilee filatamoo yaadannoowwan duraa irraa fi muraasa waa'ee Maatewos fkn.</p> <ul style="list-style-type: none"> • Hojiin Maatewos maal ture? • Yesus Maatewosiin maal jedhe? • Maatewos erga Yesusiin duuka bu'ee booda maal godhe?

B9 Seenaa 1

Dhalachuu Musee - Seenaan kun waa'ee kunuunsa Waaqayyooti.

SEENSA	<p>Akkas barachaa jirra:</p> <ul style="list-style-type: none"> • Waaqayyo Museef ni yaadda, nuufis ni yaada. (Sadarkaa 1^{faa}) . • Waaqayyo jireenya Museetiif karoora qaba ture, akkuma nuufis qabu. (Sadarkaa 2^{faa}) . <p>Luqqisa Ijoo: Ibr. 11: 23 Kutaa Macaafa Qulqulluu: Bau. 2: 1 - 10</p>
SEENSA	<p>Karoora ijoolleen ittiin waliin galuu danda'an eeruun jalqabi - fkn. karoora mana barumsaa guyyaa sanaa, bakka sochiin tartiiba murtaa'een raawwatamu. Waaqayyo tokkoon tokkoon jireenya keenyaaf karoora akka qabu ibsi. Maatiin nuti keessatti dhalannee fi wantootni nu mudatan akka tasaa miti – kanaa mannaa, Waaqayyo akka isa tajaajillu nu qopheessuuf itti fayyadama. Seenaawwan kanneen keessatti waa'ee Musee barachuuf jirra. Waaqayyo Museen yeroo guddatu hojii baay'ee barbaachisaa ta'e tokko qabaaf ture. Har'a waa'ee Waaqayyo Musee akkamitti ijoollummaa isaatti akka eege ni baranna. Seenaan Musee kitaaba Macaafa qalqulluu isa lammaffaa keessatti argama. <i>Maqaa kitaaba kana namni beeku yoo jiraate gaafadhu bakka inni jiru isaanitti agarsiisi.</i></p> <p>Akka filannootti, seenaa kana ijoollee sadarkaa 1ffaa yoo barsiisaa jirta ta'e, waa'ee daa'imman haaraa haasa'uu dandeessu, tarii meeshaalee tokko tokko kan isaan nageenya isaanii eeguu fi isaan gammachiisuuf barbaachisan qabaachuu dandeessu.</p>
BARSII	<ul style="list-style-type: none"> • Seena duubbee Israa'eloonni (Ibiroota) garboota ta'uu isaanii gabaabinaan ibsi – seensa barannoo sadarkaa 2ffaa ilaali. (Bau. 1: 1-11) Mootichi Fara'oon lakkoofsi Israa'elotaa akka hin baay'anne dhaabuuf murteesse waan tureef, ijoollee dhiiraa Israa'elotaa hunda laga Abbayyaa keessatti bishaaniin liqimsiisuuf murteesse. (Bau. 1: 22) <i>Haati fi abbaan Israa'elota ta'an tokko reefuu mucaa dhiiraa haaraa utuu godhatanii maaltu itti dhaga'ama ture?</i> • Mana tokko keessatti daa'imni dhiiraa fayyaa qabu bareedaan dhalate. Warri isaas Waaqayyo akka isa eegu amananii mana keessatti isa dhoksan. Ji'a sadii booda garuu kana booda isa dhoksuu hin dandeenye. Maaliif? Haati isaa bidiruu xinnoo kan bishaan hin galchine dhalladduu irraa tolchitee (ibsi), daa'imicha achi keessa galchitee leeleedhaa fi hapheedhaan maragdee qarqara lagichaa jajjaba keessa dhoksite. Miiriyaam, obboleettiin daa'imichaa waan ta'u ilaaluuf achitti turte, garuu nageenya daa'ima sana eeguu kan danda'u Waaqayyo qofa. (Bau. 2: 1 - 4) • Kutaa seenaa itti aanu haala dinqisiisaa ta'een himi – akkamitti Miiriyaam giiftii (intala Fara'oon) fi gargaartota ishee waliin dhufan akkamitti akka hubatte ibsi. Daa'ima sana ni hubattii? Mootichatti ni himti? Eeyyee, giiftiitiin bidiruu sana argitee gargaaraa ishee akka isheef fidu gaafatte. Daa'ima Ibruu yeroo argitu deebii isheen kennite ibsi. Giiftiitiin akka inni miidhamu hin hayyantu turte! Waaqayyo daa'ima sana nagaa eeguuf hojjechaa ture! (Bau. 2: 5 – 6). • Achiis Miiriyaam gara fuulduraatti dhuftee daa'ima sanaaf kunuunsituu barbaaduuf gaaffii dhiyeessite. Eenyu argatti turte? Giiftiitiin isheen walii galte, Miiriyaam haadha ofii barbaaduuf fiigde! Kanaaf, haati daa'imichaa giiftiitiin waan walii galteef nagaa guutuudhaan mana keessatti isa ilaalu dandeesse. Booda daa'imni sun guddachuun mucaa yommuu ta'u, giiftiitiin masaraa Fara'oon keessa akka jiraatuuf isa fudhatte. Guddifattee Musee jettee waamte, hiikni isaas “bishaan keessaa baafame” jechuudha. (Bau. 2: 7–10) Amma Museen bulchaa Gibxii ta'ee ture! • Ijoolleen waan ta'e hundumaa duuba Waaqayyo akka ture akka hubatan gargaari. Akka seera Fara'oonitti daa'imni sun bishaaniin liqimfamuu qaba ture. Maatiin Musee Waaqayyotti amantii qabu turan – Waaqayyo daa'ima isaanii akka kunuunsu amanatanii turan innis akkasuma godhe. Kun jalqaba hojjatamuu karoora Waaqayyooti. Waaqayyo jireenya keenya keessatti karoora isaa akka hojjatuuf akka isa amanannu barbaada. <p>Barumsa yeroo Macaafa Qulqulluu xumuri. Agarsiisi: Liinkii FBI dabalata B irratti ilaali – Dhalachuu Musee</p>
BARADHU	<p>Bakka barbaachisaa ta'etti, luqqisii ijoo Ibr. 11: 23 barsiisaa ibsi (Sadarkaa 2^{faa}). Ijoolleen sadarkaa 1^{faa} hima jalqabaa barachuu danda'u.</p>
YAADADHU	<ul style="list-style-type: none"> • Seenaan Musee kitaaba kam keessatti argama? • Fara'oon daa'imman ijoollee dhiiraa Ibirootaa hunda maal gochuuf murteesse? • Daa'imni kun yeroo hammamiif mana keessatti dhokatee ture? • Haati maal hojjettee? • Daa'ima eessa kaa'atte? • Eenyuutu ilaaluuf laga bira ture? • Eenyuutu daa'ima kana argate? • Yeroo sanaa kaasee lubbuun Musee balaadhaaf kan hin saaxilamne maaliifi? • Seena kana keessatti amantii kan argisiise eenyu? • Musee kan eege eenyu?

B9 Seenaa 2

Dogoggora Guddaa Musee - Seenaan kun Waaqayyo waan hundumaa akka argu nu barsiisa.

	<p>Akkas barachaa jirra:</p> <ul style="list-style-type: none">• Museen aariidhaan yeroo dafee tarkaanfii fudhatu dogoggora hojjate.• Bu'aa badii hojjechuun nurra ga'u jalaa miliquu hin dandeenyu. <p>Luqqisa Ijoo: <i>Bau. 2: 11 - 15</i> Kutaa Macaafa Qulqulluu: <i>Lakk. 32: 23</i></p>
SEENSA	<p>Yeroo tokko tokko waan hunda caalaa beekna jennee yaadna. Fakkeenya waan daa'imni tokko nama guddaadhaan akkamitti akka hojjetu agarsiifamuu danda'u filadhu, garuu daa'imni karaa isaatiin hojjeta malee sirriitti hin milkaa'u!</p> <p>Torban darbe waa'ee Musee baranneerra. Gaaffii tokko tokko gaafadhu irra deebi'ii ibsi. Museen yeroo ijoollummaa isaatti eessa dhaqee jiraate? Sabni ofii isaa maal jedhama ture? (Israa'eloota/lbroota). Ijoolleen garboota akka turan fi akkamitti warra Gibxiin gara jabinaan akka isaan ilaalame yaadachiisi. Seenaa har'aa keessatti Museen guddateera. Haala Museen caalaatti beeka jedhee yaade tokko baruuf sirriitti dhaggeeffadhu.</p>
BARSIISI	<ul style="list-style-type: none">• Gaaf tokko Museen saba ofii daawwachuuf deeme. Akka tasaa isaan keessaa tokko nama Gibxiin yommuu reebamu arge. <i>Museen maaltu itti dhaga'ama ture?</i> (aarii, saba isaa ittisuu barbaaduu). Dafee Museen naannoo isaa ilaalee namni tokkollee akka isaan hin ilaalle argee namicha Gibxii irraa dhufe sana ajjeese. Sana booda reeffasaa cirracha keessa dhokse. Museen waan sirriin hojjadhe jedhee yaade, garuu hojjeteera? <i>Ijoolleen gochi Musee baay'ee dogoggora akka ta'e akka hubatan dandeessisi.</i> (Sadarkaa 2: Waaqayyo badii nama Gibxii sanaa akkamitti akka ilaale yaada kennuu fi gara fuulduraatti Waaqayyo badii hundumaa akkamitti akka ilaalu eeruun ni barbaadda ta'a.) <i>Museen wanta inni hojjete irraa ni miliqa jettee yaaddaa? Yoo hin taane maaliif hin ta'u?</i> (Bau. 2: 11 – 12)• Guyyaa itti aanutti Museen lbroonni lama yeroo wal-lolan arge. Maaltu ta'aa jira jedhee yommuu gaafatu, namoota sana keessaa tokko, "Ati eegduudhaa fi abbaa firdii akka taatuuf eenyutu nu irra si kaa'e? Yookiis akkuma namicha Gibxii ajjeefte anas ajjeesuu barbaadde?" Amma Museen nama Gibxii sana yommuu ajjeesu akka argame ni beek. Amma maaltu itti dhaga'ama? (mootichi ni dhaga'a jedhee sodaate) Utuu baay'ee hin turin Fara'oon waan Museen hojjete dhaga'ee isa ajjeesuu barbaade. Museen lubbuu isaa baraaruuf gara biyya Miidiyaan jedhamtu kan biraatti fiiguun nama Yeetroo jedhamu tokkoof tiksee ta'ee hojjete. (Bau. 2: 13 – 22)• Waaqayyos waa'ee dogoggora Museen hojjete ni beeka ture. <i>Waaqayyo wanta nuti hojjennu hundumaa akkamitti akka ilaalu dubbadhu, nuti immoo badii keenya isa jalaa dhoksuu hin dandeenyu. Museen nama guddaa ta'us dogoggora hojjatee waan sirrii hin hojjanne. Hogganaa ta'uuf qophaa'uu isaan dura ammallee waan baay'ee barachuu qaba ture. Dogoggora Musee irraa barannee karaa sirrii isa gammachiisuun akka deddeebinu akka nu gargaaruuf Waaqayyotti hirkachuu qabna.</i> <p>Barumsa yeroo Macaafa Qulqulluu xumuri. Agarsiisi: Liinkii FBI dabalata B irratti ilaali – Dogoggoora Guddaa Musee</p>
BARADHU	<p>Bakka barbaachisaa ta'etti, luqqisii ijoo Lakk. 32: 23 barsiisaa ibsi. Luqqisicha dogoggora Musee wajjin walqabsiisi. Cubbuun Musee maal ture? Akkamitti argame? Akkasumas haala ittiin qabamnu ilaalchisee fakkeenya addaa kennuu dandeessa, kunis muuxannoo ijoollee wajjin kan walqabatudha.</p>
YAADADHU	<p>Himoota sobaaf/dhugaa armaan gadii battalleef fayyadami.</p> <ul style="list-style-type: none">• Museen nama Israa'el tokko ajjeese.• Namni waan isa hin argine itti fakkaate.• Namichi lbruu kan biraan isa argee ture.• Waaqayyo waan ta'e arge.• Fara'oon Musee mana hidhaatti galche.• Museen geggeessaa ta'uuf qophaa'uu isaa dura ammallee waan baay'ee barachuu qaba ture.

B9 Seenaa 3

Museen huuxxii gubatu arge - Seenaan kun waa'ee waan Waaqayyo jedhu dhaggeeffachuuti.

	<p>Akkas barachaa jirra:</p> <ul style="list-style-type: none">• Museen geggeessaa fedhii hin qabne ture, Waaqayyo garuu isa gargaaruuf waadaa gale.• Waaqayyo qulqulluudha nutis yeroo hunda kana yaadachuu qabna. <p>Luqqisa Ijoo: <i>Bau. 3: 12</i> Kutaa Macaafa Qulqulluu: <i>Bau. 3 – 4: 17</i></p>
SEENSA	<p>Waa'ee waan barbaachisaa fi nama gammachiisu hojjachuuf gaafatamuu dubbadhu, fkn. itti gaafatamummaa ijoollee garee kee keessa jiraniif barbaachisaa ta'e. Yeroo akka raawwattuuf si gaafatan maaltu sitti dhaga'ame? (sodaachuu / osoo namni biraa gaafatamee jedhanii hawwu?) Seenaan har'aa dogoggorri guddaan Musee erga raawwatamee waggoota 40 booda ta'a. Museen gammoojjii keessatti waggoota 40f tiksee ture. Waaqayyo isa hin daganne ture. Dhiifama isaaf gochuuf fedhii kan qabu si'a ta'u, amma hojii baay'ee adda ta'e akka hojjatuuf isaaf qaba ture.</p>
BARSIISI	<ul style="list-style-type: none">• Guyyaan hundinuu baay'ee wal fakkaata ture, hanga guyyaa tokko... Museen huuxxii abiddaan gubate tokko hubate. Wanti nama ajaa'ibu abiddi haa jiraatu malee baalli fi dameen gubachaa hin turre! Museen ilaaluuf itti dhihaatee ergasii Waaqayyo maqaa Musee waame. <i>Kutaa itti aanu himuuf jechoota Macaafa qulqulluu fayyadami. "Laftichi qulqulluudha" jechuun Waaqayyo achi waan tureef iddoo baay'ee adda ta'e jechuu akka ta'e ibsi. Waaqayyo qulqulluu fi nurraa adda ta'uu isaa hubachuu qabna. Waaqayyo akka keenyaa cubbuu hin qabu. Museen guddummaa Waaqayyoo waan hubateef kophee isaa ofirraa baasee fuula isaa dhokse. (Bau. 3: 1 – 6).</i>• <i>Ijoolleen jireenyi Israa'elootaa Gibxii keessatti maal akka fakkaatu akka yaadatan gargaari.</i> Waaqayyo wanta badaa ta'aa ture hundumaa akka beekuu fi amma Gibxii keessaa gara biyya haaraatti akka isaan baasuuf jiru Museetti hime. Waaqayyo Museen geggeessaa isaanii akka ta'uu fi mooticha Fara'oon wajjiin haasa'uuf akka deemus barbaade. Museen gara Fara'oonitti deebi'uusaatiif maaltu itti dhaga'amu akka danda'u qoradhu. <i>(Bau. 3: 7 – 10)</i>• <i>Deebii dhuunfaa ijoolleen seensa keessatti kennan fi tilmaama sirrii kamiyyuu kan isaan Museen geggeessaa ta'uu isaa ilaalchisee maaltu akka itti dhaga'ame godhan gidduutti walitti dhufeenya uumi. Sana booda mormii Musee fi mormii-deebii Waaqayyoo akka barreeffama Macaafa qulqulluu keessatti kennamee fi saanduqa dubbii barnoota Sadarkaa 2ffaa keessatti kennameen walqabsiisi.</i> Sadarkaa 2 ffaaf, tarjaa lamatti gabatee ykn garagalcha irratti galmeessuu barbaadda ta'a.• Ani barbaachisummaaf gahaa miti – si waliin nan ta'a. <i>(3: 11, 12)</i> - Maqaa kee hin beeku – Maqaan koo ANI JIRA (maqaa kun Waaqayyo humna hundumaa akka qabu agarsiisa). Ani Waaqa abbootii keetii, Waaqa Abrahaam <i>(3: 13 – 15)</i> Isaan ana hin amanan – humna koo mirkaneessuuf dinqiin siif kenna. <i>(4: 1 – 9)</i> Jechoota sirrii dubbachuu hin danda'u – akka dubbattu si gargaara, waan jettus si barsiisa. <i>(4: 10 – 12)</i> Nama biraa ergi. <i>(4: 13)</i> – Aaron gargaaraa kee ta'a waan inni jedhu iitti himuu dandeessa. <i>Museen nama geggeessaa ta'a jettee eegdu ture? Waaqayyo sababa inni dhiheessetti waan gammade sitti fakkaataa? Lakki!</i> Yeroo Gibxii turetti dogoggora hojjatus, sababota dhiheessus , inni filannoo Waaqayyoo ture. Seenaan keenya itti aanu keessatti akkamitti Museen dhumarratti akka abboomamuuf qophaa'ee fi Waaqayyo karoora isaa jireenya isaa keessatti hojjechuu itti fufuu akka danda'e ni baranna. Museen wanta fuuldura isaa jiru hundumaaf Waaqayyotti hirkachuu qaba ture.• Yeroo tokko tokko Waaqayyo waan ulfaataa fakkaatu akka isaaf hojjennu nu gaafata. Inni nu waliin akka jiruu fi akka nu gargaaru yaadachuu qabna. <p>Barumsa yeroo Macaafa Qulqulluu xumuri. Agarsiisi: Liinkii FBI dabalata B irratti ilaali – Museen huuxxii gubatu arge</p>
BARADHU	<p>Bakka barbaachisaa ta'etti, luqqisii ijoo <i>Bau. 3: 12a barsiisaa</i> ibsi. Kun seenaa dheeraan booda luqqisii gabaabaadha. Ijoolleen mallattoo dhuunfaa kitaabaa irratti kaa'uu ykn tokkoon tokkoon daa'imaa waraqaa xixiqqoo xalayaa faayuu ykn maxxansiisuun koolaajii garee hojjachuu barbaadu ta'a.</p>
YAADADHU	<ul style="list-style-type: none">• Waa'ee huuxxee Museen arge maaltu ajaa'iba ture?• Museen yeroo lafa qulqulluura ture maal godhe?• Qulqulluu jechuun maal jechuudha?• Waaqayyo Museen hojii akkamii akka hojjetu barbaade?• Sababa Museen waa'ee ofii isaaf kenne eeri.• Museen waa'ee Waaqayyoo sababa akkamii dhiheesse?• Waaqayyo Museen eenyuun akka fudhatu heyyame?• Waaqayyo Musee irraa abdiin hin kutanne. Maaliif?

B9 Seenaa 4

Museen ergaa Waaqayyoo Geessuu isaa - Seenaan kun waa'ee Waaqayyoo hojjechuuf qophaa'uuti.

	<p>Akkas barachaa jirra:</p> <ul style="list-style-type: none">• Museen dhumarratti wanta Waaqayyoo isa gaafateef abboomame.• Waaqayyoo waadaa Museef gale eegeera, nuufis akkasuma ni godha. <p>Luqqisa Ijoo: Bau. 4: 15b Kutaa Macaafa Qulqulluu: Bau. 4: 1-31</p>
SEENSA	<p>Waa'ee jijjiiramoota barbaachisoo jireenya keenya keessatti mul'atan haasa'aa – fkn. mana haaraatti galuu, mana barumsaa sadarkaa lammaffaatti ce'uu, fuudhuu. Museen jireenya isaa keessatti jijjiiramoota baay'ee qaba ture – ji'oota isaa warren jalqabaa daa'ima yommu turetti yaadadhu, achiis hanga waggaa 40tti masaraa Fara'oon keessa jiraachuu, itti aansuunis waggoota 40f gammoojjii keessa jiraachuu isaa yaadadhu. (Haala daree keessatti suuraa taateewwan kanaa sarara yeroo jireenya Musee irratti kaa'uun faayidaa qaba.) Amma Museen jireenya isaa keessatti qormaati inni guddaan isa mudachaa ture. Waaqayyoo maal akka godhu isa gaafate?</p>
BARSIIISI	<ul style="list-style-type: none">• Museen amma biyya Miidiyaanitti haadha manaa fi ilmaan lama qaba ture. Abbichuu isaa Yetroo gara Gibxiitti deebi'uu akka danda'u gaafate. Yetroon isaan walii gale, Museen haadha manaa isaa fi ilmaan isaa harree yaabbachiisee isaan waliin ka'e. Museen ulee isaa isa addaa Waaqayyoo akka itti fayyadamu itti himees fidee dhufe. Waaqayyoo Museetti namoonni yeroo inni Gibxii turetti isa ajjeesuu barbaadan lubbuun akka hin jirre itti hime. Waaqayyoo Museen akka hin sodaanne isa gargaaraa ture. Ammumaa kaasee Waaqayyoo waadaa Museedhaaf gale eegaa ture. <i>Luqqisii ijoo torban darbee yaadachuu dandeessaa? (Bau. 4: 18 – 20)</i>• Ergasii Waaqayyoo waadaa biraa Museef gale eege. Museen osoo imala isaa irra jiruu obboleessi isaa Aaron dhufee isa qunname. <i>Aaron Musee wajjin ta'uuf kan ture maaliifi? Museen mallattoolee ulee isaatiin akka raawwatu itti kenname dabalatee wanta Waaqayyoo itti hime hunda Aaronitti hime. Waaqayyoo yeroo hundumaa waadaa isaa akka eeguuf itti amanachuun ni danda'ama. Nuti kan isaa yoo taane akkasuma nuuf godha. (Bau. 4: 27-28)</i>• Yeroo Gibxii ga'an Musee fi Aaron geggeessitoota Israa'elootaa wajjin wal arganii karoora Waaqayyoo isaanitti himan. Achiis namoonni hundinuu walitti dhufanii, Museen dinqii Waaqayyoo ulee isaatiin akka hojjetu itti kenne isaanitti argisiise. Museen ulee sana lafatti darbate innis bofa ta'e, boodarra yeroo eegee bofa sana qabatu deebi'ee ulee ta'e. Itti aansuudhaan harka isaa uffata isaa keessa galchee yeroo baasu dhukkuba lamxiin qabame (ibsi) garuu yommu yeroo lammataaf galchu ni fayye. <i>(Bau. 4: 6 – 9)</i> Namoonni wantoota dinqisiisoo kana yommuu argan, humna Waaqayyoo arguu danda'u, akkasumas Museen dhuguma Waaqayyoon akka ergame hubatan. <i>Ummatichatti maaltu itti dhaga'ame sitti fakkaata? (ajaa'ibsiifanna/ gammachuu guddaa irraa kan ka'e Waaqayyoo garbummaa irraa isaan baasuuf ture.) (Bau. 4: 29 – 31)</i>• Museen gara Gibxiitti yommuu deebi'u karaa Waaqayyoo isaaf qopheesse arguun isaa baay'ee isa gammachisuu qaba. Seenaa kana keessatti warroota karoori Waaqayyoo gara fuulduraatti akka tarkaanfatu dandeessisan irra deebi'ii ilaali – Yetroo, Aaron, geggeessitootaa fi namoota. Musee fi Aaron amma iyyuu karoora kana eenyuuf dhiyeessu qabu turan? Salphaa ta'uu baatus, amma iyyuu Waaqayyotti hirkatanii wanta tokko akka furan gochuu akka danda'an cimsii ibsi. Inni hundumaa to'annaa isaa jala galchee ture! <p>Barumsa yeroo Macaafa Qulqulluu xumuri. Agarsiisi: Liinkii FBI dabalata B irratti ilaali – Museen ergaa Waaqayyoo Geessuu isaa</p>
BARADHU	<p>Bakka barbaachisaa ta'etti, luqqisii ijoo Bau. 4: 15b barsiisaa ibsi. Ijoolleen ergaa luqqisii kanaa kan Musee fi Aaron waliin hojjechuu fi Waaqayyoo isaan waliin ta'uu wajjin wal qabatu akka hubatan mirkaneessi.</p>
YAADADHU	<p>Jireenya Musee hanga ammaatti irra deebi'ii ilaali, gaaffilee seenaa kanaan duraa fi kanneen kana fayyadamuun Seenaa 4:</p> <ul style="list-style-type: none">• Eenyuutu Musee wajjin gara Gibxiitti deebi'e?• Karaa irratti eenyutu isa qunname?• Sabni sun Museen Waaqayyoon akka ergame kan beekan akkamitti?• Dinqiiwwan Museen namoota duratti hojjetee keessaa tokko ibsi.

B10 Seenaa 1

Musee fi dhahicha jalqaba- seenaan kun waa'ee Waaqayyoo abboomamuuti.

	<p>Akkas barachaa jirra:</p> <ul style="list-style-type: none">• Abboomonni Waaqayyoo dhaga'amu fi raawwatamuu qabu.• Waaqayyoon dhaggeechuu fi abboomamuu diduu dhumarratti adaba qaba. <p>Luqqisa Ijoo: <i>Erm. 38: 20</i> Kutaa Macaafa Qulqulluu: <i>Bau. 7: 1-24</i></p>
SEENSA	<p>Waa'ee seeraaf bitamuu fi bu'aa ajajamuu diduu, haala mana barumsaa keessatti ykn hawaasa bal'aa keessatti ijoollee waliin irraatti haasa'i. Qabiyyee har'aa wajjin waliin walqabsiisuuf gaaffilee muraasaan seenaa B9 seenaa 4ffaa ilaaluun barbaachisaadha.</p>
BARSIISI	<ul style="list-style-type: none">• Yeroon Musee fi Aaron Israa'eloonni gammoojjii keessatti Waaqayyoon akka waaqeffataniif Gibxii keessaa akka ba'an Fara'oon gaafatan ga'e. Ijoolleen deebii isaa akka tilmaaman gaafadhu. Diduu isaa fi wanta bu'aa isaa kan duraa caalaa hammeesse ibsi. Ijoolleen Fara'oon Waaqayyoo ajajamuu diduu isaa akka hubatan gargaari. Osoo Israa'el taatee waa'ee Musee maal yaaddaa turte?• Museen Waaqayyoo maaliif akkas akka ta'u akka barbaade hubachuu hin dandeenye. Waa'ee kanaa Waaqayyoon gaafate. Waaqayyoo humna isaa isa guddaa akka agarsiisu waadaa isaanif gale. Fara'oon jalqaba irratti ajajamuu baatus dhuma irratti Waaqayyoo waan gaafate akka raawwatu isa taasisa. <i>Ijoolleef waadaa gallee akka dagannu, ykn eeguu akka hin dandeenye, garuu abdiin Waaqayyoo yeroo hundumaa akka raawwatamu yaadachiisi.</i>• Waaqayyoo ammas gara Fara'oonitti deebi'i garboota Israa'el akka gadhiisu gaafadhu jedheen! (Bau. 5: 22-7:5)• yeroo kana Fara'oon dinqii gaafatee, uleen Aaron bofa jijjiiramte. Beektonni Fara'oons akkasuma godhan, bofti Aaron garuu bofa warra Gibxi sanaa hunda liqimsite. Kun waa'ee Waaqayyoo maal argisiiseera? Ammas Fara'oon Waaqayyoo hin ajajamne. (Bau. 7:8-12)• Achumaan Waaqayyoo Musee fi Aaronitti Fara'ooniin laga Abbayyaa biratti akka wal argan itti hime. Waaqayyoo ammas ajaja kenne. Fara'oon yoo hin ajajamne lagni Abbayyaa gara dhiigaatti jijjiirama, bishaan qulqulluus waan hin jirreef qurxummiin hundi ni du'u ture. Fara'oon dhaggeeffachuu dide. Macaafni qulqulluun akka jedhutti garagalee gara mana isaatti akka gale. <i>Ilaalcha Fara'oon irratti mari'adhaa – jechoota maaltu isa ibsa? Macaafni qulqulluun akka nama dhageettii cimaa qabuutti akka isa ibsu ibsi. (Bau. 7: 14-23)</i>• Kanaaf, warri Gibxii hundi bishaan lagaa dhuguu waan hin dandeenyeef bishaan dhuguuf naannoo laga sanaa hundaa qotan. Kunis dha'icha isa jalqabaa yoo ta'u guyyaa 7f itti fufe. (Bau. 7: 24-25)• <i>Musee fi Aaron wanta Waaqayyoo akka raawwatan isaanitti hime sirritti raawwataniiru, bal'inaan ajajamaniiru. Kun wanta yeroo hunda yaaluu fi gochuu qabnuudha. Macaafni Qulqulluun Waaqayyoo abboomamuu keenyatti akka gammadu dubbata! Fara'oon Waaqayyoo ajajamuu fi isa dhaggeeffachuu dide. kun immoo yeroo hundumaa rakkinaa fi adabbii Waaqayyootiin xumurama. Wantoota Waaqayyoo jireenya keenya guyyaa guyyaa keessatti akka raawwannu nu ajaju irratti mari'adha.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata B keessaa ilaa- Musee fi dhahicha jalqaba</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo - Erm. 38: 20 Musee fi Aaron Waaqayyoo abboomaman, faalla kana immoo Fara'oon abboomamuu dide. Nutis jireenya keenya guyyaa guyyaa keessatti Waaqayyoo abboomamuu qabna.</p>
YAADADHU	<p>Akka keessa deebitti gaaffii kana ijoollee gaafadhu.</p> <ul style="list-style-type: none">• Waadaan Waaqayyoo Musee fi Aaroon gale maali ture?• Dinqiin jalqabaa Aaron hojjete maali?• Lagni Abbayyaa dha'icha isa jalqabaa keessatti maaltu mudate?• Warri Gibxii guyyaa torbaaf maal hin qaban turan?• Waaqayyoo jireenya keenya guyyaa guyyaa keessatti wantoota akkamii akka raawwannu nu ajaja?

B10 Seenaa 2

Musee fi dhahicha isa dhumaa- seenaan kun waa'ee Karoora Waaqayyo Israa'eloota oolchuuf qabuudha.

	<p>Akkas barachaa jirra:</p> <ul style="list-style-type: none">• Fara'oon fi warri Gibxii Waaqayyoof ajajamuu diduun isaaniif adabamuu qaba ture.• Waaqayyo cubbuu bira darbuu hin danda'u, garuu karaa fayyinaa ni qopheessa. <p>Luqqisa Ijoo: <i>Bau. 12: 13</i> Kutaa Macaafa Qulqulluu: <i>Bau. 11: 1-10, 12: 1-13</i></p>
SEENSA	<p>Haalawwan tokko tokko keessatti akkamitti eegumsa akka argannu irratti mari'adhaa. Fakkeenya ijoollee waliin walqabsiisuu danda'u filadhu. Fkn. sun-cream (dhibata aduu) dibachuun namoota gogaa diimaa qaban balaa aduu irraa ni eega. Paaspoortii qabannee deemuun hidhamuu osoo hin sodaatin biyya tokko irraa gara biyya biraatti darbuuf nu dandeessisa. Talaalliin dhukkuba akka hin qabaanne nu godha. Seenaa har'aa keessatti Waaqayyo Israa'eloonni adabbii isaa jalaa akka ba'aniif mallattoo addaa akkamitti akka kenne ni baranna.</p>
BARSIISI	<ul style="list-style-type: none">• Hanga ammaatti dha'ichi sagal raawwatamus, yeroo kana hundumaa Fara'oon Israa'eloota gadhiisuu didee. Waaqayyo hamma Fara'oon Waaqayyo hammam guddaa akka ta'e hubatutti garaa isaa jabeessee ture.• Fara'oon amma lammata isa arguu akka hin barbaanne Museetti himee. (<i>Bau. 10: 27-29</i>) Waaqayyo garuu dha'ichi inni dhumaa maal akka ta'u Museedhaaf ibsee. Maatii hunda irratti adabbii hamaan dhufuuf, maatii hunda keessaa ilmi hangafaa du'uuf ture. (<i>Bau. 11: 4-6</i>) Fara'oon garuu Waaqayyo adabbii hamaa sana fiduu akka danda'u ykn akka fidu hin amanne. (<i>Bau. 11: 10</i>)• <i>Wanti Waaqayyo Macaafa qulqulluu keessatti dubbate kamiyyuu dhugaa ta'uu isaa, wanti inni abdachiises hunduu akka raawwatu hubachuu qabna.</i>• Waaqayyoo Museetti israa'eloonni Gibxiidha ba'uuf akka qophaa'an itti hime. Maatiin hundinuu hoolaa yaa qalatan, dhiiga isaa immoo balbala irraatti dibuun manni kan israa'eloota ta'uu isaa akka mul'isuu qabu. Achiis nyaata addaa hoolaa bilcheefame, daabboo fi baala hadhaawaa nyaachuu qabu turan. Nyaata sana dafanii nyaachuu fi uffata isaanii uffatanii saffisaan deemuuf qophaa'uutu irra jira. Waaqayyo, Israa'eloonni balbala isaanii irra dhiigni yoo jiraatee nagaa akka ta'an ibseef. (<i>Bau. 12: 12-13</i>)• <i>Dhumarratti ba'uuf akka jiran, akkasumas Israa'eloonni qajeelfama kennameef akkamitti akka hordofan ibsi. Gatii fi barbaachisummaa dhiigni Israa'elootaaf qabuu fi akkamitti eegaa isaanii tokkicha akka ta'e irratti mari'adhaa.</i>• <i>Yeroo hundumaa karaa Waaqayyo itti hojjetu hubachuun salphaa miti, garuu yeroo hundumaa karaa gaarii ta'e akka beekuu hubachuu qabna. Israa'eloonni akkamitti nagaan isaanii eeggama? Haaluma wal fakkaatuun namni Gooftaan Yesus fannoo irratti du'e jedhee amanu kamiyyuu adabbii sababa cubbuu keenyaatiif nu mudatu irraa ni fayya. Macaafni qulqulluun Gooftaan Iyyesuus Hoolaa Waaqayyoo ta'uun isaa, Israa'eloota qofaaf osoo hin taane, nu dabalatee addunyaa guutuuf akka ta'e ibsa. Dhiiga isaa isa yeroo fannoo irratti du'e dhangala'e sanatti yeroo amanne, adabbii sababbi cubbuu keenyaaf nutti dhufu jalaa ni fayyina.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata B keessaa ilaa- Musee fi dhahicha jalqaba</p>
BARADHU	<p>Barsiisa fi ibsa, bakka barbaachisaa ta'etti luqqisii ijoo- <i>Bau. 12: 13</i></p>
YAADADHU	<p>Akka keessa deebii seenaatti gaaffii kana ijoollee gaafadhu.</p> <ul style="list-style-type: none">• Ijoollee gaaffilee armaan gadii akka mala seenaa fooyyessuutti gaafadhu.• Jechi biraa adabbii Waaqayyoof oolu danda'u maali?• Adabbiin dhumaa Fara'oon maal ta'uuf ture?• Israa'eloonni nageenya isaanii mirkaneeffachuuf maal gochuu qabu turan?• Maal nyaachuu qabu turan? Akkamitti nyaachuu qabu turan?• Gooftaan Yesuus akkamitti fayyina akka argannu nu taasise? (<i>Rom. 5: 8</i>)

B10 Seenaa 3

Musee fi Gibxii ba'u- Seenaa kun waa'ee angoo Waaqayyooti

	<p>Akkas barachaa jirra:</p> <ul style="list-style-type: none">• Waaqayyo akkuma yeroo huuxxiin gubatu Musee wajjin dubbate waadaa galetti Israa'eloota oolche.• Macaafni qulqulluun yeroo baay'ee taatee kana fakkeenya humna Waaqayyoo isa guddaa keessaa tokko akka ta'e ibsa. <p>Luqqisa Ijoo: <i>Bau. 14: 30a</i> Kutaa Macaafa Qulqulluu: <i>Bau. 12: 31-39, 14: 1-31</i></p>
SEENSA	<p>Wantoota nuti gochuun hin danda'amne tokko tokko eeri. Fkn. Xiyyaara malee balali'uu, bidiruu malee galaana ce'uu, gammoojjii keessa koompaasii malee karaa barbaaduu fi kkf. Haa ta'u malee wanti namaaf hin danda'amne Waaqayyooof ni danda'ama. Inni macaafa qulqulluu keessatti wantoota humna isa mul'isan keessa tokkoo raawwachuuf ta'a.</p>
BARSIISI	<ul style="list-style-type: none">• Halkan yeroo ilmaan angafaa Gibxii hundi du'an, Fara'oon Musee fi Aaroon akka waaman erge. Fara'oon dha'icha kanaan dura mudate hundaaf deebii akkamii kenne? Yeroon kun akkamitti adda akka ta'e ibsi - Namoota hunda, hoolota isaanii wajjin akka fudhatanii fi yeroo tokkotti Gibxii akka ba'an itti hime. (Bau. 12: 31-32) Warri Gibxiis Israa'eloonni yoo hafan hundi keenya ni duuna jedhanii waan sodaataniif akka deeman isaan jajjabeessan.• Yeroo deemanitti kennaa meetii, warqee fi uffatallee isaaniiif kennan. (Bau. 12: 35-36) Walumaagalatti dhiironni akkasumas dubartoonni fi ijoolleen walitti kuma dhibba jahaa ol turan. <i>Ijoollee umuriin isaanii guddaa ta'ee waliin lakkoofsa kana baay'ina ummata walfakkaataa bakka beekamaa ta'ee wajjin wal bira qabuuf yaaluun ni danda'ama.</i>• Dhumarratti Fara'oon Waaqayyooof ajajame! Jalqaba irratti utuu akkas godhee rakkina kanaa hundarra ooluu danda'a ture. <i>Ammas barbaachisummaa warraaf, barsiisotaaf, hunda caalaa immoo Waaqayyooof abboomamuu cimsi ibsi!</i>• Israa'eloonni Museedhaan durfamaa gara Galaana Diimaatti karaa isaanii jalqaban. Miira isaanii ibsi. Garuu Fara'oon kan argan yeroo dhumaaf hin turre! Ammas Waaqayyo garaa Fara'oon jabeesse, sababiin isaas amma iyyuu Waaqayyo hammam guddaa akka ta'e baruu qaba! Fara'oon akka tasaa hojjettoota isaa hunda akka dhabe waan hubateef, konkolaataa fardeenii 600n isaan hordofuuf murteesse. (Bau. 14: 3-7)• Gooftaan Museen ulee isaa galaana irratti akka ol kaasu itti hime. Museen ni ajajame. Israa'eloonni hundinuu lafa gogaa irra akka ce'aniif, karaan galaana diimaa keessaan mul'ate.• <i>Warri Gibxii isaan duukaa bu'uuf yeroo yaalan maaltu akka ta'e ibsi. Museen ammas ulee isaa ol kaase, bishaanichis walitti deebi'e. Macaafni qulqulluun waraanni Fara'oon guutuun bishaaniin kan uwwifame yoo ta'u isaan keessaa tokkollee akka hin hafne dubbata. (Bau. 14: 28) Utuu Israa'el taate waa'ee Waaqayyoo maal yaaddaa turte? Humna guddaa Waaqayyooof deebii kennan ibsi - Gooftaa sodaataniiru (ibsi) amantaa isaaniis Isa fi Musee irra kaa'an. (Bau. 14: 31)</i>• Nutis, humna isaa isa guddaa irraa kan ka'e yeroo hunda Gooftaatti amanachuu dandeenya. Akkuma Israa'eloota isa amanachuu qabna. sana booda "Gooftaan ANA oolche!" jennee dubbanna. <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata A keessaa ilaal- Musee fi Gibxii ba'u.</p>
BARADHU	<p>Barsiisa fi ibsa, bakka barbaachisaa ta'etti luqqisii ijoo- Bau. 14: 30a</p>
YAADADHU	<p>Akka keessa deebitti gaaffii kana ijoollee gaafadhu</p> <ul style="list-style-type: none">• Ijoollee gaaffilee armaan gadii akka mala seenaa fooyyessuutti gaafadhu.• Fara'oon Israa'eloota gadhiisuuf kan murteesse maaliifi?• Warri Gibxii maal isaaniif kennan?• Fara'oon isaan ari'uuf kan murteesse maaliifi?• Fara'oon gaarii meeqatti fayyadame?• Israa'eloonni maaliif soodatan?• Waaqayyo isaan oolchuuf Museen maal akka godhu itti hime?• Waraanni Gibxi maal ta'e?• Israa'eloonni wanta raawwatame yommuu argan maal godhan?

B10 Seenaa 4

Musee fi Israa'el waaqayyoon galateefferan-Seenaan kun waa'ee Waaqayyoon galateefferachuuti.

	<p>Akkas barachaa jirra:</p> <ul style="list-style-type: none">• Israa'eloonni waan Waaqayyo bilisummaa fi nageenya isaaniif kenneef hundumaaf guddaa qabu turan.• Hundi keenya dhaabannee, of duuba ilaallee waan Waaqayyo jireenya keenya keessatti hojjeteeff galateefferachuu qabna. <p>Luqqisa Ijoo: <i>Far. 106: 1</i> Kutaa Macaafa Qulqulluu: <i>Bau. 15: 1-22</i></p>
SEENSA	<p>Wantoota ajaa'ibsiisoo Macaafa qulqulluu keessatti galmaa'an tokko tokko yaadadhu. Fkn. Daani'eel boolla leencaa keessaa oole, Daawit Goliyaad ajjeesse fi kkf, iiti dabalees akkuma torbe darbee Galaana diimaa ce'uu isaani. Taateewwan biroo yoo qabatee iddoo qu'anna yeroo qu'anna macaafa qulqulluu kanarratti galmeessi. Tokkoon tokkoon isaani keessatti namoonni Macaafa Qulqulluu keessatti argaman humna Waaqayyoo isa guddaatti hirkatanii jiraachuu malee filannoo biraa akka hin qabne ibsi. Waa'ee Israa'elootaa erga Waaqayyo isaan oolchee booda maal akka godhan ni ilaalla, akkasumas Waaqayyoon waan inni nuuf godheef akkamitti deebii kennuu akka qabnu ni yaadna.</p>
BARSIISI	<ul style="list-style-type: none">• Israa'eloonni dhumarratti garboota ta'uu irraa bilisa ta'ani, diinonni isaani hundinuu bishaaniin liqimfamaniiru. <i>Maaltu akka isaanitti dhaga'amu ibsi.</i> Kan isaan fayyise Waaqayyo ta'uu waan beekaniif, waan inni hojjeteeff Waaqayyoon baay'ee galateefferaniiru. (Bau. 15: 1) Waaqayyo hammam guddaa akka ta'e hubataniiru, Waaqayyo kan biraa humna akkasii qabu akka hin jirre waan beekaniif waa'ee Ulfina isaa faarfatan. (Bau. 15: 11) Waa'ee waan inni isaaniif godhe hundumaa bal'inaan faarfatan.• <i>Ijoolleen Waaqayyo hammam guddaa akka ta'e hubachuu qabu: 1) Uumama keessatti. 2) Guyyaa guyyaan fedhii keenya hunda nuuf guutuu keessatti. 3) Ilma isaa fannoo irratti akka nuuf du'u erguun jaalala guddaa isaatin.</i>• Israa'eloonni waa'ee Waaqayyoo faarfachuu qofa oso hin taane isa wajjin walitti dhufeenya cimaa qabu. "Waaqa koo", "Humna koo", "Fayyina koo" jedhanii isa waamu turan. (Bau. 15: 2).• <i>Ijoolleen waa'ee Waaqayyoo beekuu qofa osoo hin taane, walitti dhufeenya dhuunfaa isaa wajjin qabaachuu fi akka Abbaa isaani isa Samii ta'ee beekuun isaanitti cimuu danda'a.</i>• Israa'eloonni waa'ee yeroo ammaa qofa hin yaadne, gara biyya abdachiifamteetti yeroo deeman diina biroo wajjin lola gara fuula duraatiif isa amanachuu akka danda'an beeku turan. <i>Gooftaan gonkumaa akka hin jijjiiramne hubachuu dandeenya, har'a qofaaf osoo hin taane, yeroo hundumaa gara fuulduraatiifis isa amanachuu dandeenya.</i>• Obboleettii Aaron kan taate Miiriyaam, dubartoota tokko tokko sirbaa fi shubbisa irratti hoogganaa turte. Waan Waaqayyo hojjeteeff yeroo kabajan baay'ee gammadan. <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata B keessaa ilaali- Musee fi isra'eel waaqayyoon galateefferan / Museen waaqayyoon galateefferate.</p>
BARADHU	<p>Barsiisa fi ibsa, bakka barbaachisaa ta'etti luqqisii ijoo- Far. 106: 1- luqqisiin gooftaadhaaf akka galata kenninu nu yaadachiisa. Ijoolleen wanta goftaan isaaniif godheef kadata galataa akka dhiyessaniif jajjabeeffamuu qabu.</p>
YAADADHU	<p>Gaaffiiwwan kanaa gadii akka keessa deebii B10tti ta'utti ijoollee gaafadhu Israa'eloonni bilisa ta'uu isaani yommuu argan maal godhan? Faarfannaa isaani keessatti Waaqayyoon akkamitti ibsan? Israa'eloonni waa'ee gara fuulduraa maal beeku turan? Dubartoota shubbisa fi sirbuu keessatti eenyutu dursee? Israa'eloonni sodaa fi rifachuu irraa gara faarfannaa fi Waaqayyoon galateefferachuutti maaliif jijjiiraman jettanii yaaddu?</p>

B11 Seenaa 1

Waaqayyo nyaata ni kenna- Seenaan kun waa'ee Waaqayyo Israa'elootaaf nyaata kennuusaati

	<p>Akkas barachaa jirra:</p> <ul style="list-style-type: none"> • Waaqayyo lafa onaa keessatti waggaa 40f isra'elotaa nyaata kenne. • Gooftaan Yesus “buddeena jireenyaati”, fedhii keenya nuuf guuteera <p>Luqqisa Ijoo: Yoh. 6: 35 Kutaa Macaafa Qulqulluu: Bau. 16: 1-32</p>
SEENSA	<p>Waan B9 fi B10 keessatti ta'e gabaabsiisi ijoollee yaadachiisi. Waaqayyo Israa'eloota Gibxii oolchuu keessatti humna isaa agarsiisee, amma immoo gara biyya haaraatti akka isaan geessu waadaa galeef. Hanga ummanni beela'ee isaa fi Museerratti gungumuu fi iyyuu jalqabanitti karaa irratti yeroo dheeraa itti fudhanne turre! Nyaanni isaanii waan dhumeef, gara Gibxiitti deebi'uu fi nyaata argachuuf yaadaa turan. (Bau. 16: 2 -3). Too'annaa Waaqayyoo jala akka jiraniif fi wanta isaaniif barbaachisuu akka beekuu dagataniiru.</p> <p>Yoo barbaachisaa ta'e, kun ilaalcha dogoggoraa akka ta'e ijoollee yaadachiisuu dandeessa. Waaqayyo akka isa galateeffannu barbaada.</p>
BARSIISI	<ul style="list-style-type: none"> • Sabni sun Waaqayyoon amanachuu dadhabus, amma iyyuu akka isaan kunuunsu argisiiseera. Waaqayyo yeroo hundumaa nyaata akka argatan gochuuf karoora qaba ture. Ganama ganama buddeen waaqarra bu'u argachaa turan. Torban keessaa guyyaa ja'ffaatti guyyaa Sanbataaf (guyyaa addaa Waaqayyoo) akka isaanii turuuf dachaa lama walitti qabatu, Galgala galgala immoo foon argatu ture. (Bau. 16: 4 – 12) • <i>Mee Israa'eloonni ganama dunkaanasaanii keessaa ba'anii wanta argatan irratti deebii akkamii akka kennan ibsuuf yaali.</i> Museen kun buddeena gooftaan isaaniif kenne akka ta'e ibse. Namni hundi namoota dunkaana isaanii keessa jiraataniif hamma gahu walitti qabu ture. Namni tokkollee guyyaa itti aanuuf hambifachuu hin qabu. Namoonni tokko tokko garuu hambifachuuf yaalan, garuu guyyaa itti aanutti darbuufii hin dandeenyee. (Bau. 16: 15-20) <i>baarchisummaa Waan mataa keetii hojjechuu caalaa, akka waaqayyo abboometti raawwachuu ibsi.</i> • Ummanni buddeena Samii irraa bu'u kana “Mannaa” jedhanii waamu. Akka dammaatti mi'aawa! Waaqayyo hanga imalli isaanii xumuranitti Israa'elootaaf mannaa ergaa ture. Waaqayyo Waaqa isaanii akka ta'ee fi akka isaan kunuunsu ragaa baay'ee kana caalu isaaniif kenneera. (Bau. 16: 31-32) • Seenaa keenya keessatti, Israa'eloonni hamma quufanitti Mannaa walitti qabachuu fi nyaachuu qabu ture. Lafa onaa keessatti akka jiraatan isan gagaaree jira, yaa ta'u malee yeroo hundaa manna isaan barbaachisa. • <i>Waggoota hedduu booda Yesus cubbuu keenyaaf du'uuf Samii irraa bu'e. Inni “Buddeena Jireenyaa” jedhee of waame. Gooftaa Yesuus, (Buddeena Jireenyaa) jireenya keenyatti yoo fudhanne, jireenya bara baraa nuuf kenna – jireenya nuti asitti fi Samii irratti itti gammadnu. Mannaan Samii irraa gad bu'e Israa'elootaaf dinjii addaa ture garuu Gooftaa Yesuus fudhachuudhaan waan kanarraa baay'ee caalu argachuu dandeenya. (gabatee yookiin chaartii toora lama qabu kaasun waa'ee mannaa fi buddeena jireenya sirritti ibsuuf yaali.)</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaal- waaqayyoo nyaata kenna / waaqayyoo israa'elootaaf nyaata kenna.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Yoh. 6: 35 Waan armaan olitti ibsame jabeessaa.</p>
YAADADHU	<p>Gaaffiiwwan kana gaaffii fi deebii (quiz) keessatti fayyadami.</p> <ul style="list-style-type: none"> • Ummanni maaliif gunguman? • Eenyurratti gunguman? • Silaa gungumuu dhiisanii maal gochuu qabu turan? • Torbeetti guyyaa meeqaaf mannaan lafa irratti mul'ata ture? • Galgala galgala maal argatu turan? • Hanga yoomiitti mannaa walitti qaban? • Yesus maqaa akkamii ofii isaatiif fayyadame? • Yesus karaa kamiin mannaa caala?

B11 Seenaa 2

Waaqayyo moo'icha kenna - Seenaan kun waa'ee Waaqayyo warra isa amanatan gargaaruu isaati

	<p>Akkas barachaa jirra:</p> <ul style="list-style-type: none">• Waaqayyo yeroo isrtaa'elonni isatti hirkatan isaan gargaareera.• Waaqayyo jireenya keenya keessatti moo'icha argachuuf akka isa kadhannuu barbaadha. <p>Luqqisa Ijoo: <i>Bau. 17: 15</i> Kutaa Macaafa Qulqulluu: <i>Bau. 17: 8- 15</i></p>
SEENSA	<p>Utuu baay'ee hin turin Israa'eloota rakkoon kan biraa isaan mudate. Waraanni diinaa Amaaleq jedhamu isaan waraanuu eegale. (Bau. 17: 8) Haala isaa akka yaadaniif gaaffii kanaa gadii ijoollee gaafadhu:</p> <ul style="list-style-type: none">• <i>Israa'eloonni maal gochuutu irraa jira? (of ofirraa ittisuu) .</i>• <i>Akkamitti akka lolan barataniiru? Gibxii keessatti loltoota osoo hin taane garboota akka turan ijoollee yaadachiisi.</i>• <i>maaltu isaanitti dhaga'ama ture?</i>• <i>Gargaarsa Waaqayyootti amanachuu danda'u? Waaqayyoo biyya haaraatti isaan galchuuf Gibxii akka isaan baasee ijoollee yaadachiisi. Inni waada isaa eeguu ni danda'a.</i>
BARSIISI	<ul style="list-style-type: none">• Museen gaggeessaa ogeessa fi maal akka gochuu akka qabu nama beeku ture. Gargaaraa isaa Iyyaasuu loltoota akka filatu gaafateen. Museen loltoota humni Waaqayyoo akka isaan barbaachisuu ni beeka, kanaaf Aaroon fi Huur wajjin gara fiixee gaaratti ol ba'ee dirree waraana ilaale. Museen harka isaa lamaaniin ofi olitti ulee isaa ol kaase(ulee dheeraa isaa yeroo tiksee ture itt fayyadamaa ture). <i>gochi kun isra'eloonni moo'uudhaaf humna Waaqayyoo amanachuu isaanii akka agarsiisu ibsi. (Bau 17: 9)</i>• Hammuma yeroo dheeraadhaaf Museen akkas godhe israa'elonni ni moo'u ture. <i>Ijoollee harka isaanii mataa isaanitii olitti akka ol kaasan gaafadhu. Harka isaanirratti maaltuu akka itti dhaga'amu yaadi.</i> Yeroo gabaaba booda harki Musee waan dadhabeef gad deebise. Diinonni isaanii moo'uu eegalan. <i>Ijoolleen Aaroonii fi Huur akkamitti akka Musee gargaaruu danda'an gaafadhuu, achumaan waan isaan gidhan sirritti ibsiif.</i> Museen hamma aduun lixutti harka isaa ol qabuu waan danda'eef israa'elonni moo'uu danda'an. Museen injifannoo kanaaf Waaqayyoon galateeffachuu waan barbaadeef, iddoo aarsaa dhagaa ijaaree "Gooftaan faajjii kooti" jedhee moggaase. <i>Museen injifannoo sanaaf ulfina hundumaa Waaqayyo akka argatu akka barbaade ibsi. Ba'u 17: 10-13,15</i>• <i>Lola kana injifachuu keessatti eenyutu qooda guddaa qaba jettanii yaaddu? Iyaasuu fi loltoonni osoo Museen harka isaa gara Waaqayyootti ol hin kaafnee fi Isa irratti hin hirkanne ta'e lola kana mo'achuu hin danda'an ture. Gooftaa Yesuus fayyisaa keenyatti yoo amanne, nutis diina qabna – Seexana. Inni akka sodaannuu fi akka nu hin gammanee barbaada. Gooftaa yesus moo Seexannatu caalaa humna qaba? Yesus hundumarra cimaa waan ta'eef yoo isatti hirkannee moo'icha arganna.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaal- Waaqayyo moo'icha kenna.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Bau. 17: 15</p>
YAADADHU	<p>Ijoolleen "Gooftaan Faajjii kooti" jechuun alaabaa guddaa faayame tolfachuu danda'u. Gaaffiiwwan kana gaaffii fi deebii keessatti fayyadami.</p> <ul style="list-style-type: none">• Museen eessa dhaqe?• Eenyuutu Musee wajjin deeme?• Lola sanarratti yeroo Museen harka isaa ol kaasee maaltu ta'e?• Museen hamma yoomiitti harka isaa ol kaasee?• Injifannoo eenyutu kenne?• Diinni keenya eenyu?• Nu gargaaruuf eenyu irratti hirkatanii jiraachuu qabna?

B11 Seenaa 3

Waaqayyo abboommiwwan kenna - Seenaan kun waa'ee seera Waaqayyooti.

	<p>Akkas barachaa jirra:</p> <ul style="list-style-type: none">• Waaqayyoo qulqulluudha.• Nu'l seera Waaqayyoo eeguu hin dandeenyu. <p>Luqqisa Ijoo: <i>Bau. 20: 1 ykn Rom. 3: 23</i> Kutaa Macaafa Qulqulluu: <i>Bau. 19 - 20</i></p>
SEENSA	<p>Waa'ee seerota mana barumsa ykn mana jireenya keessa jiran irratti haasa'a. Isaan maali? Maaliif seerri nu barbaachisa? Yeroo hunda seera eeguun salphaadhaa? Barumsa har'aa keessatti Waaqayyoo akkamitti seera isaa Israa'elootaaf akka kenne ni baranna.</p>
BARSIISI	<ul style="list-style-type: none">• Israa'eloonni gara gaara guddaa Siinaa jedhamu ga'anii achi buufatan. Waaqayyoo duumessa ulfaataa ta'een gara fiixee gaara sanaatti akka gad bu'u Museef ibse. Museen namni tokko illee akka hin baaneef, mallattoo dhagaa naannoo sana kaa'e. sabni dhiqatanii of qulleessanis cubbuu isaanii irraa kan ka'e gara Waaqayyooti dhiyaachuu hin danda'an ture. (Bau. 19: 1 – 14)• Guyyaa sadii booda ummanni miila tulluu siinaa jala ni ijajjan. Tullicha keessaan aarii ni ba'e, ni rafames. <i>Kun Waaqayyoo hammam humna akka qabu namootatti kan argisiise ta'uu isaa ibsi. Sabichatti maltu akka dhaga'amu yaadi.</i> Sana booda yeroo lammaffaaf Museen akka ol ba'u Waaqayyoo isa waame, Museen ummanni akka ol hin baaneef akka aklekkachiisu itti himi jedheen. (Bau. 19: 16 – 22) sabni <i>Waaqayyoo Qulqulluu waan ta'eef (cubbuu tokko malee) itti dhiyaachuu akka hin dandeenye fi jireenya isaanii keessatti cubbuu akka qaban ibsi. Har'as cubbuun keenya yoo nuuf dhiifame malee Waaqayyoo irraa adda nu baasa.</i>• Booda Museen abboommiwwan kurnan dhagaa gurguddaa lama irratti barreeffaman Waaqayyoo irra fuudhe. Abboommiwwan ykn seeri akkataa jireenya Waaqayyoo nurra barbaadu ifa godhe dubbata. Nama hunda caalaa Waaqayyoon jaallachuu fi wal jaallachuus qabu. <i>Ijoollee sadarkaa 2ffaa waliin kana sirritti dubbisuun gaariidha, abboommiwwan 1-4 akkatti waaqayyoo wallin jiraannuu fi 5-10 akkatti namoota waliin jiraannu ibsu. Nuti isaaniiif abboomamuu akka dadhabne akka hubatan gargaari! (Ba'uu 20: 1-17)</i>• <i>kan nama gaddisiisu, Israa'eloonni seera Waaqayyoo eeguu hin dandeenye, nutis hin dandeenyu. Hundi keenya wanta Waaqayyoo nu eegee gadi taana. Nuti cubbamoota. Namni lafa kanarratti jireenya qulqulluu jiraate gooftaa Yesus qofa. Kunis wanta fayyisaa keenyaa isa taasiseedha. Inni akka Waaqayyoo dhiifama nuuf godhuuf adabbii cubbuu keenyaa fudhachuuf du'e. Sana booda maatii Waaqayyoo ta'uu dandeenya malee akka Israa'eloonni godhan isa irraa fagaachuu hin qabnu.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaal- Waaqayyoo abboommi kenna.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Bau. 20: 1 ykn Rom. 3: 23</p>
YAADADHU	<p>Akka battalleettii abboommi abboommiwwan barannoo 2ffaa keessatti barreeffama irratti xiyyeeffachuu dandeesa. Yoo danda'ame, ijoolleen akka arganiifi akka dhaga'aniif gabatee/chaartii irratti akka barreeffaman dhiyeessi. Erga hunda isaanii dubbistee booda tarree sana haqi. Tokkoon tokkoon abboommi keessaa jecha ijoo tokko hambisi. fkn. Na dura _____ biraa hin qabaatin. _____ tokkollee hin tolfatin. Daa'imni tokko jecha hir'ate yoo beeke garee isaaniiif qabxii argachuu qaba.</p> <p>Ijoolleen xixiqqoon moodeela Tulluu Siinaa yaa hojjetan. Kaartoonii irra boca koonii yaa qopheessan. Kaardiirraa boca koonii hojjadhu. Duumessaaf gubbaarratti jirbii maxxansi, Labooba abiddaa diimaa hojjadhu, qaqaawwee fi bakakkaa ibsuuf ammoo zigzaagii quncaa'aa dachaasi. Hundeerratti dallaa kaa'i. Ijoolleen dunkaanota xixinnoo dabaluu danda'u.</p>

B11 Seenaa 4

Waaqayyo fayyina kenna- seenan kun waa'ee karaa Waaqayyo namoota du'a oolchuudha.

	<p>Akkas barachaa jirra:</p> <ul style="list-style-type: none">• Waaqayyo, Israa'eloonni adabbii isaaniif malu jalaa akka oolan karaa qopheesseef.• Waaqayyo karaa itti fayyinu nuuf qopheessee jira. <p>Luqqisa Ijoo: <i>Yoh. 3: 14</i> Kutaa Macaafa Qulqulluu: <i>Lak. 21: 4 - 9</i></p>
SEENSA	<p>Yeroo tokko tokko dogoggora wal fakkaatu irra deddeebinee raawwana! Israa'eloonni nyaanni Gibxiidhaa fidatan yommuu dhumu maal akka godhan ni yaadattaa? Eeyyee ni gunguman fi komatan! Seenaa har'aa keessattis gungumuuf jiru! Mee maaliif akka ta'e haa ilaalluu. Yookaan</p> <p>Waa'ee balaa bofaan hiddamuu, barbaachisummaa mana yaalaa deemuu fi farra summii argachuu haasa'aa. Seenaa har'aa keessatti Waaqayyo warra bofaan hiddamaniif qoricha baay'ee adda ta'e qaba ture.</p>
BARSIISI	<ul style="list-style-type: none">• Kan nama gaddisiisu, Israa'eloonni Gibxii keessatti wanta hunduu gaarii ture. Nuti mannaa nu jibbisiiseera jechuun Musee fi Waaqayyo irratti ka'an. Akkam galata-dhabdee turan! (Lak. 21: 5)• Yeroo kana Waaqayyo namootatti aaree isaan adabuuf murteesse. Utuu baay'ee hin turin buufanni isaanii bofa summii qabaniin weerarame. <i>Ummanni maal ta'a?</i> Eeyyee hiddamanii hedduun isaanii du'an. Sabnis balleessaa isa akka ta'ee ni hubate. Gara Musee dhufanii cubbuu akka hojjetanii fi waaqayyoon kadhatee Bofa akka irraa deebisuuf isa gaafatan. (Lak. 21: 6 - 7) <i>joolleen yommuu cubbuu hojjetan ilaalchi kun sirrii ta'uusaa hubachiis. Cubbuu keenya amanee Waaqayyo akka nu gargaaru kadhachuu qabna. Cuubbuu keenya himachuufi waaqayyo akka nu gargaaru kadhachuu qabna.</i>• <i>Museen erga Waaqayyoon kadhatee booda Waaqayyo Musee wanta addaa tokko akka raawwatu itti hime. Bofa sibiila boorraajjii irraa tolchee buufata isaanii keessatti utubaarratti rarraase. Bofti sibiila boorraajjii sun ija nama hundumaa keessa ture. Waaqayyo namni hiddame kamiyyuu bofa utubaa irra jiru yoo ilaale akka hin duune waadaa gale. Namni kana amanee akka Waaqayyo jedhetti raawwate hundinuu ni jiraate. Du'a jalaa ooluuf karaa salphaa akkamitti!</i> (Lak. 21: 8 - 9) (<i>Seensa irratti yaada lammaffaa yoo fayyadamte, wal bira qabuu dandeessa.</i>) <i>Israa'eloonni seera Waaqayyoof abboomaman jettee yaaddaa? Maalif? Karaan isaan itti jiraatan kana qofa akka ta'e cimsi – waan biraa yaaluun faayidaa hin qabu ture!</i>• Waggootan booda, Yesu yeroo lafarra ture, seenaa kana fayyadamuun nama hundumaa barumsa barbaachisaa ta'e tokko barsiise. Nuti Waaqayyo waan yakkineef akka Israa'elootaa cubbuu keenyaaf ni adabamna. Waaqayyo garuu adabbii cubbuu keenyaa jalaa nu basuuf karaa nuuf qopheessee jira. Yesusis cubbuu keenyaaf “du'u” akka qabu ibseera. Wanta Yesu nuuf godhe yoo amannu Waaqayyo nu fayyisa jireenya bara baraa nuuf kenna. <i>Fayyina argachuu kan dandeenyu karaa Yesu qofa akka ta'e cimsi, ijoolleenis kanaaf deebii kennuu qabu.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaali- Waaqayyo fayyina kenna.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo Yoh. 3: 14. Jechi kun dubbii Yesuus ta'uu isaa eeri. Yeroo fannoo irratti ol ba'u akkamitti akka nu fayyisuu danda'u ibseera.</p>
YAADADHU	<p>Ijoolleen gareedhhan ta'uudhaan, gareen tokkoo bofa sibiila boorraajjii irra bocanii utubaa irrattii yaa rarrasan, gareen kuun immoo fannoo yaa tolchan. Luqqisii ijoo irratti barreefamuu qaba. Ykn bofa plaastikii ykn supheerra, gareen tokko immoo qalama akka fannoo bakka bu'utti itt maruu danda'u.</p> <p><u>Yookiin</u> Seenaa B11 irratti hundaa'uun battalle gochuu dandeessa. Gaaffi dabalataa B11 keessa:</p> <ul style="list-style-type: none">• Israa'eloonni yeroo kana maal gunguman?• Waaqayyo akkamitti isaan adabe?• Ummanni summii bofaarraa fayyuu maal gochuu qaba ture?• Akkamitti adabbii cubbuu keenyaa jalaa fayyuu dandeenya?

B12 Seenaa 1

Yoseef fi ergamicha - seenaa kun waa'ee Yoseef Waaqayyoo abboommuu, ulfaataa ta'us.

	<p>Akkas barachaa jirra:</p> <ul style="list-style-type: none">• Maqaa 'Yesus' jechuun 'fayyisaa' jechuudha.• Akkuma Yoseef Waaqayyoon dhaga'uu fi isaf abboomamuu qabna. <p>Luqqisa Ijoo: <i>Mat. 1: 21</i> Kutaa Macaafa Qulqulluu: <i>Mat. 1: 18-25</i></p>
SEENSA	<p>Waa'ee maqaa fi faayidaa isaani haasa'a – Ijoolleen maqaan isaanii maal jechuu akka ta'e ykn maaliif akka moggaafameef yoo beekan isaan gaafadhu.</p> <p>Barumsa har'aa keessaatti daa'ima adda tokko kan macaafa qulqulluu kessatti maqaa addaa qabu tokkoo akka baranuu ijoolleedhaaf ibsi.</p>
BARSIISI	<ul style="list-style-type: none">• Yoseefii fi Maariyaam gaa'ela godhachuuf karoofatanii kan turan ta'us, gaaf tokko Maariyaam daa'ima akka eeggachaa akka jirtu Yoseefitti himte. Yoseef abbaa daa'ima sanaa akka hin taane waan beekuuf Maariyaam dhiisuuf murteesse. (Mat. 1: 18-19)• Halkan tokko Yoseef abjuu arge. Ergamaan Yoseefitti mul'atee, "Daa'imni hafuura qulqulluu irraa waan ta'eef, Maariyaam haadha manaa kee godhachuu hin sodaatin" jedheen. (Mat. 1: 20) <i>daa'imni kun ilma Waaqayyoo akka ta'e ijoolleef ibsi.</i>• Ergamaan sun namoota cubbuu isaanii irraa waan fayyisuuf daa'ima kana 'Yesus' jedhee akka waamuu Yoseefitti hime. (Mat. 1: 21) <i>Yesus jechuun "Fayyisaa" jechuu akka ta'e ibsi. Jireenya guyyaa guyyaa keessatti, fayyisaan maal akka ta'e irratti mari'adhaa ,fkn namni balaa bishaanii isa mudate fayyisaa ykn nama isa oolchu barbaada) Hojii Yesus Fayyisaa ta'ee hojjete ilaalchisee ibsa ijoolleef kenni. Macaafni qulqulluun namni hunduu adabbii cubbuu jalaa fayyuu akka qabu dubbata. Yesus cubbuu hin qabu, kanaafuu inni adabbii cubbuu biyya lafa hundaa fudhachuudhan fannooratti du'e. Macaafni qulqulluu tokkoon tokkoon dhiifama cubbuu argachuuf Yesus akka fayyisaa isaanitti fudhachuu akka qaban dubbata.</i>• Yoseef yemmuu irriibaa ka'u, akkuma itti himametti Maariyaam fuudhe. Yeroo muraasa boodde yemmuu daa'imichi dhalatu Yoseef 'Yesus' jedhee maqaa moggaase. (Mat 1: 24-25). <i>Ajaja Yoseefitti kennamee fi akkamitti akka raawwate ijoollee gaafadhu. Barbaachisumma ajajoota Waaqayyoo Macaafa qulqulluu keessa jiraniif abbomamuu fi dhaga'uu ibsi. Wajjin ta'uun ajajoota waaqayyoo Macaafa qulqulluu keessa akka hordifnuuf nuuf kenne tarreessaa.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaali- Yoseef fi ergamaa.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo. Mat.1: 21</p>
YAADADHU	<p>Akka keessa deebiitti gaaffii kana ijoollee gaafadhu.</p> <ul style="list-style-type: none">• Yoseef enyuu fuudhuuf ture?• Oduun Maariyaam Yoseefitti himte maal ture?• Waaqayyoo akkamitti Yoseefitti dubbate?• Abbaan daa'imicha eenyu ture?• Da'imichi maal jeedhamee waammama?• Yesus jechuun maal jechuudha?• Erga irriiba ka'e Yoseef maal godhe?• Fayyuudhaaf maal ta'uu nu barbaachisa

B12 Seenaa 2

Namoota ogeeyyii fi Herodis -seenaan kun waa'ee warra ogeeyyiiS Yesus barbaadaniiti.

	<p>Akkas barachaa jirra:</p> <ul style="list-style-type: none">• Yesus mootii moototaati.• Yesus waqeeffamuun ni malaaf. <p>Luqqisa Ijoo: <i>Mat. 2: 2</i> Kutaa Macaafa Qulqulluu: <i>Mat. 2: 1-8</i></p>
SEENSA	<p>Ijoollen namoota beekkamoo tokko tokko akka yaadan gaafadhuun. Maqaa isaan eeri ykn suuraa isaanii itti agarsiisi. Tarii, isaan argachuu barbaadda?, yoo argattee maal jettan?, maal goota?, akkamittii isaan ilaalta?</p> <p>Har'a waa'ee namoota karaa deeman tokkoo kan namaa baay'ee barbaachisa ta'e kan si'a tokko jiraate darbe ilaaluuf deemanii akka barannu ijoolletti himi.</p>
BARSIISI	<ul style="list-style-type: none">• Gaaf tokko Ogeeyyiin tokko tokko bakka Yesus itti dhalate irraa fagoo jiraatan, urjii haaraa samii irratti argan. <i>Kun maal jechuu akka ta'e hubatanii gammadan. Akkamitti Baha irraa imala dheeraa(ji'ootaafi!) deemanii dhumarratti Masaraa Mootii Heroodis akka gahan ibsi. Mooticha Heroodisiin "Mootiin Yihudootaa eessatti dhalate? Urjiin isaa yeroo samiitti mul'attu arginee isa sagaduuf dhufne" jedhaniin. (Mat 2: 1-2) Mootiin haaraan dhalatee Yesus, Ilma Waaqayyoo akka ta'ee fi Mootota jiraatan kamiirraayyuu akka caalu ijoolleef ibsi. Yesuus Mootii Moototaati. Ijoolleen barumsa darberraa maqaan Yesus maal jechuu akka ta'e yaadachuu akka danda'an gaafadhu. Ogeeyyiin Mooticha 'waaqeffachuu' barbaanna yoo jedhan maal jechuu akka barbaadan irratti mari'adhaa? Yesus waaqeffamuun kan maluuf maaliifi?</i>• Herodis waa'ee Mootii haaraa yommuu dhaga'u ni yaadda'e. Namni biraa bakka isaa Mootii ta'ee akka bu'u hin barbaanne. Gorsitoota isaa tokko tokko waamee Mootiin haaraan kun eessatti akka dhalatu gaafate. Caaffata qulqullaa'oo keessa sakatta'anii, mucaan kun magaalaa Beetliheem jedhamtu keessatti akka dhalatu hubatan. (Mat. 2: 3-6)• Herodis namoota ogeeyyii sana ofitti waamee "Deemaa mucicha barbaadaa gaafa argattan deebi'aati eessa akka jiru natti himaa, anillee akkan deemee sagaduuf" jedheen. (Mat. 2: 7-8) <i>Heroodis dhuguma Mootii haaraaf sagaduu akka hin barbaanne ibsi; Isa ajjeesuuf barbaade malee. Ijoolleen maaliif Herodis mootii haaraa ajjeesuu barbaade jedhanii yaadu? gaafadhuun. Har'as namoonni baay'een Yesusiin akka isaan ilaalu qabanitti akka hin ilaalle, garuu Waaqayyoo akkuma namoota ogeeyyii san Yesusiin akka jaallannuu fi akkawaaqeffannu barbaada.</i> <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaali- namoota ogeeyyii fi Herodis.</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo. Mat. 2: 2</p>
YAADADHU	<p>Akka keessa deebii seenichaati gaaffii kanaa ijoollee gaafadhu.</p> <ul style="list-style-type: none">• Samii irratti maaltu mul'ate?• Ogeeyyiin kallattii kamirraa dhufan?• Eessa deeman, Mootii haaraa barbaaduuf?• Mootiin isaan haasofsiisan maal jedhama ture?• Mootichi Herodis waa'ee Mootii haaraa yommuu dhaga'u maaltu itti dhaga'ame?• Mootiin kun magaalaa akkamii keessatti akka dhalatu argatan?• Herodis Ogeeyyiin maal akka godhan itti hime?• Mootii kamiyyuu caalaa eenyutu caala?

B12 Seenaa 3

Namoota ogeeyyii fi Yesus- Seenaan kun waa'ee namoonni ogeeyyii sun urjiin gaggeeffamanii Yesusin barbaaduu isaniiti.

	<p>Akkas barachaa jirra:</p> <ul style="list-style-type: none">Namoonn ogeeyyiin sun Yesusiin waaqeffatan, kennaa baay'ee adda ta'es isaaf kennan.Har'as Yesusiin waaqeffachuu qabna. <p>Luqqisa Ijoo: <i>Mat. 2: 11</i> Kutaa Macaafa Qulqulluu: <i>Mat. 2: 9-12</i></p>
SEENSA	<p>Marii – Kennaawwan siif kaennaman keessa isaa kamtu caalaa? (Ijoolleen fakkii isaa akka kaasan gochuu dandeessa). Daa'ima haaraa yemmuu dhalattuu kennaa akkamii kennitaaf?</p> <p>Har'a waa'ee kennaa ogeeyyonni kennan akka barannu ijoolleef ibsi. Ijoolleen barnoota darbe keessatti waa'ee namoota ogeeyyii maal akka baratan akka isinitti himan gaafadhu.</p>
BARSIISI	<ul style="list-style-type: none">Jarri ogeeyyiin Herodis dhiisanii karaa isaanii itti fufan. Urjii sana ammas arganii gara bakka sirrii Yesus jirutti isaan geesse. (Mat. 2: 9-10) Ogeeyyiin urjii kana yommuu argan maaltu akka itti dhaga'amu irratti mari'adhaa. Maaliif akkas itti dhaga'ama ture?Ogeeyyiin kun mana Beetaliheem bakka Yoseef, Maariyaamii fi daa'imichi Yesuus jiran ga'an. Keessa seenani yesuusiin yommuu argan kufanii isaaf sagadan. Kennaa sadii isaaf kennan: warqee, ixaana, (innis dhangala'aa muka irraa argamu kan urgooftuu keessatti fayyadamnu) fi qumbii (Kunis muka qoree kan yoo ta'u, urgooftuuf ykn qorichaaf oola). (Mat. 2: 11).Kenna kun daa'imaaf kan kennamu ykn kan kennanii beekan yoo ta'e ijoollee gaafadhu. Kennawwan kun baay'ee qaalii fi mootii qofaaf akka kennamu ibsi. Marii- namoonni ogeessonni su maaliif kenna yesusif kennan gaafadhu. Kenna akkana kanaa nuti kennuu hin dandeenyu. Kan nuti gochuu dandeenyu waaqeffachuufi waan nuuf godheef isa galateffachu qofa.Yeroo muraasa booda yeroon warri ogeeyyiin sun gara manaatti deebi'an ga'e. Herodis akka deebi'anii daa'imni eessatti akka dhalate akka itti himan gaafatee ture, garuu Waaqayyo abjuudhaan gara Herodisitti akka hin deebine akeekkachiise, kanaaf karaa biraan gara manaatti deebi'an. (Mat. 2: 12) Mari'adhaa – Ogeeyyiin gara manaatti yoo deemaa maaltu itti dhaga'ama jettanii yaaddu? Gaafa mana ga'an maal jedhanii namootatti himu jettanii yaaddu? <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaali- namoota ogeeyyii fi Yesus</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo. Mat. 2: 11</p>
YAADADHU	<p>Akka keessa deebii seenichaati gaaffii kanaa ijoollee gaafadhu.</p> <ul style="list-style-type: none">Ogeeyyiin ammas samii irratti maal argan?Urjii kana yommuu argan maaltu itti dhaga'ame?Urjiin garamitti isaan geesse?Eenyu mana keessa ture?Ogeeyyiin Yesusiin yommuu argan maal godhan?Kennaa meeqa Isaaf kennan?Kennaawwan keessaa tokko maqaa dhahi.Ogeeyyiin akkamitti karaa biraan gara manaatti deebi'uu murteessan?

B12 Seenaa 4

Baqannaa gara Gibxitti- seenaan kun waa'ee Waaqayyo ilma isaa kunuunsuuti.

	<p>Akkas barachaa jirra:</p> <ul style="list-style-type: none">• Waaqayyo ilma isaa yesuus eege.• Akka Yesus, Maariyam fi Yoseef Waaqayyoo abbomamuu qabna. <p>Luqqisa Ijoo: <i>Mat. 2: 15</i> Kutaa Macaafa Qulqulluu: <i>Mat. 2: 13-23</i></p>
SEENSA	<p>Ijoolleen abjuu arganii beekan akka sitti himan gaafadhu. yeroo macaafa qulqulluutti kana keessatti abjuun yeroo baay'ee hiika addaa akka qabu ijoollee yaadachiisi. Waa'ee abjuu hanga ammaa seenaa keessatti baratan (abjuu Yooseef, abjuu Beektotaa) akka sitti himan gaafadhu. Har'a waa'ee abjuu biraa barachuuf jirra.</p>
BARSIISI	<ul style="list-style-type: none">• Ogeeyyonni erga deemanii booda Yoseef abjuu biraa arge. Abjuu sana keessatti Waaqayyo Heroodis baay'ee waan aareef Yesusiin ajjeesuuf barbaada akka jiru Yoseefitti hime. Waaqayyo Yoseefitti Yesusiifi Maariyaam fudhatee gara Gibxiitti baqatan, achittis akka nagaa ta'an itti hime. (Mat. 2: 13) Marii - Yoseef yeroo abjuu kana argu maaltu itti dhaga'ame sitti fakkaata?• Halkan sana Yoseef wanta itti himame raawwatee, maatii isaa fudhatee gara Gibxii deeme. Hanga mootichi Herodis du'uu isaa dhaga'anitti yeroo muraasaaf achi turan. (Mat. 2: 14-15) Marii - Osoo Yoseef akka Waaqayyo abjuudhaan itti himetti hin hojjenne ta'ee maaltu ta'a jettanii yaaddu? Yoseef baay'ee barbaachisaa waan ta'eef, akkuma Waaqayyo itti hime raawwateera. Ijoolleen kun maaliif akka abrbaachise akka tilmaaman gaafadhu. Sodaachuun akka hin qabne itti himi.• Waaqayyo raajonni waa'ee dhalachuu Yesus, dhalachuu isaa waggoota dhibbaan lakkaa'aman dura akka barreessan gaafate. Raajota kana keessaa tokko Hose'aa ture. Macaafni isaa kakuu moofaa keessa jira. Waa'ee Yesus Gibxii keessa jiraachuu isaa barreesse.• Luqqisii Ijoo waa'ee Yesus Gibxii keessa jiraachuu isaa akkamitti akka dubbatu ibsi – Waaqayyo Heroodis maal gochuuf akka barbaadu yeroo dheeraa dura beeka ture. Waan ta'e hundumaa keessatti Waaqayyo ilma isaa eegaa ture.• Yeroo Heroodis du'u ergamaan biraa gara Israa'el deebi'uuf nagaa akka ta'e Yoseefitti hime. Ammas Yoseef abboomame. Waa'ee kunuunsa fi egumsa Waaqayyo sirritti ibsi.• Yooseef, Maariyaamii fi Yesuus magaalaa Naazireet jedhamtu keessa jiraachuuf deebi'an. (Mat. 2: 19-23) Yesus Naazireet keessatti warra isaa, ollaa isaa fi hunda caalaa immoo Waaqayyo abaa isaa gammachiisaa akka guddate ijoolleetti himi. (Luq. 2: 52) Waaqayyo wantoota isa gammachiisan akka hojjennu akka barbaadu ijoollee yaadachiisi.• Isa gammachiisuuf wanti nuti gochuu dandeenyu guddaan, Yesus akka fayyisaa keenyaatti waan nuuf aageef isa galateeffachuu fi cubbuu keenyaaf akka dhiifama argannuuf isa kadhachuudha. <p>Barumsa yeroo Macaafa Qulqulluu xumuri. Agarsiisi: Liinkii FBI Dabalata C keessaa ilaali- Baqannaa gara Gibxitti</p>
BARADHU	<p>Barsiisa fi ibsa, bakka barbaachisaa ta'etti, luqqisii ijoo. Mat. 2: 15.</p>
YAADADHU	<p>Akka keessa deebii seenichaati gaaffii kanaa ijoollee gaafadhu.</p> <ul style="list-style-type: none">• Ogeeyyoonni erga deemanii booda Yooseef maaltu mudate?• Waaqayyo Yooseef eessa akka deemu itti hime?• Maaliif achi deemuun isarra ture?• Yooseef eenyuun fudhatee gara Gibxii deeme?• Yoom gara biyyaatti deebi'an?• Biyya kam keessa jiraachuuf deeman?• Yesus Naazireet keessatti akkamitti guddate?• Waaqayyoon gammachiisuuf maal gochuu qabna?

Qajeelfama Barsiisotaaf Barnoota Mallattoo

BARNOOTA SADARKAA 1FFAA:

- Torban tokkoon tokkoof kitaaba xiqqaa keessatti fuulonni afur kan irra caalaa jechoota muraasa halluu itti dibuu, fi hojiiwwan salphaa biroo of keessaa qabu.
- Torbanitti qabxiin 20 kan ramadamu yoo ta'u, ji'aaf qabxiin ol'aanaa 80 ta'a.
- Daa'imman barnoota Sadarkaa 1ffaa fudhatan baay'isanii dubbisuun irraa hin eegamu, warri / guddistoonni / geggeessitoonni akka isaan gargaaran ni eeganna.

BARNOOTA SADARKAA 2FFAA:

- Kitaabota xiqqaa keessatti torbanitti fuula afur.
- Seenaan barnooticha keessa jira. Barattoonni jechoota adda addaa barnooticha keessaa baruu, halluu tokko tokko gochuu, keeyyata furtuu xumuruu fi kkf qabu.
- Torbanitti qabxiin 20 kan ramadamu yoo ta'u, ji'a sanaaf yoo baay'ate 80, yeroo barnoonni guutummaatti sirrii ta'etti.

MALLATTOO YEROO MACAFA QULQULLUU

GARGAARSA MALLATTOO GOCHUU

Barsiisonni gaafatamummaa, qaban keessaa jalqaba akka:

- Tokkoon tokkoon barnootaa keessaa sakata'anii fi deebii sirrii ykn sirrii hin taane irratti mallattoo kaa'an.
- Qabxii barbaachisaa ta'e akkaataa qajeelfama kennameen kennan.
- Yeroo hunda halluu walfaallaa ta'een mallatteessuun deebii sirrii tokkoon tokkoon isaa irratti TICK godhan.
- Deebii sirrii ta'e, bakka barbaachisaa ta'etti kaa'anii dogoggora qubeessuu kamiyyuu sirreessan, haa ta'u malee kanaaf qabxiin tokkollee kan hin hir'ifamne ta'us.
- Deebii gartokkoon sirrii ta'eef qabxii xiqqaa kennuu.
- Ida'ama ji'aa walitti fidudhaan fuula duubaa irratti bakka kennametti barreessan.

Haqaan arjaa ta'uu fi barattoota Qo'annoo Macaafa Qulqulluu isaaniitiin jajjabeessuuf waan danda'amu hunda gochuun barbaachisaadha. Bakka danda'ametti ji'a ji'aan barsiisaan jecha jajjabinaa barattootaaf barreessuun gargaaradha. kun akka raawwatamuuf waraqaa barnootaa irratti bakki kennameera. Waa'ee halluu gaarii, sirrii ta'uu, qabxii argate, hubannoo barataan barnootichaaf qabu fi kkf irratti yaada kennuu ni danda'ama.

Yaadni hanga danda'ametti adda adda akka ta'u yaalla. Gaaffii, ibsi, ilaalcha, jajjabina fi kkf hundi isaanii garagarumma yaadaa eeguuf itti fayyadamuun ni danda'ama. Itti yaadu gaafata, garuu fedhii barataa eeguun (jiraachisuun) barbaachisaa dha. Ibsi ykn gaaffiin tokko ji'a ji'aan irra deddeebi'amaa yoo jiraate dhiibbaa isaa ni dhaba.

SADARKAA 1ffaa

Yaada waliigalaa

"Lataa – Barnoota kana jalqabuu keetti gammadeera, akka itti gammaddu abdiin qaba. Halluu ati dibde baay'een jaalladha. Mana barumsaa ni deemtaa? Waa'ee isaa natti himi. Yeroo dhiyootti sirraa dhaga'uuf hawwii guddaan eeggachaan jira."

"Gaarii hojjettee Caaltuu. Maal halluu miidhaan akkasii! Sararan ala osoo hin bahin sarara keessatti dibuun rakkisaa turee? Ati barumsa isa dhumaa irratti halluu itti dibuudhaan xiqqoo qofa dhabde."

Yaada hafuura

"Gaarii hojjettee Saaraa. Yaayiros yeroo Yesus isa gargaaru baay'ee gammade ture."

"Deebii baay'ee gaarii! Seenaan Yesus du'uu isaa nama gaddisiisa, garuu wanti nama gammachiisu inni deebi'ee ka'uu isaati."

SADARKAA 2ffaa

Yaada waliigalaa

"Deebii gaariidha, Tolaa – barsiisaan kee hojii mana barumsaa keessatti hojjetutti baay'ee akka gammade beekamaadha!"

"Yeroo dhiyootti guyyaa dhaloota kee akka ta'u nan yaada, Caalaa. Waan addaa hojjechaa jirtuu? Waan ta'e hojjechaa hundafuu, guyyaa gaarii isiniif haa ta'u!"

"Dhugumaan cimtee yaalteetta. Dogoggora xixiqqoo muraasa qofatu jira. Deebii keessan ilaaluu hin dagatinaa yeroo hundumaa."

Yaada hafuura

"haali ati Yesus yeroo daa'imummaa isaa mana nyaataa keessatti halluu itti dibde natti tola. Waaqayyo Isa gara biyya lafaa nuuf jecha erguun isaa gaarii hin turree?"

"Halluu kee baay'een jaalladha! Zakkaariyaas wanta Waaqayyo dubbatetti amanuu dhabuu isaatiif gatii kaffaluu qaba ture. Inni gonkumaa Dubbii Waaqayyoo shakke."

"Deebii gaarii ta'edha. Namichi gammoojjii keessatti Filiphisi'oos waliin wal arge dhuguma gammachuudhaan deeme. Inni waan dhaga'ee fi misiraachoo waa'ee Yesus dubbatame amane ture."

ibsa dabalataa (appendix) A - Sadarkaa 0 & 1 Fakkiwwan Macaafa Qulqulluu Bilisaa

	Mata-duree	Fakkiwwan Seenaa
B7	Yoseef	Obboleessonni Yoseef dhufuu isaanii
		https://www.freebibleimages.org/illustrations/preschool-joseph-brothers/
		Beniyaam fi Oduu Gaddisiisaa!
		https://www.freebibleimages.org/illustrations/preschool-joseph-reunion/
		Araara fi Oduu Gammachiisaa!
		https://www.freebibleimages.org/illustrations/preschool-joseph-reunion/
		Gibxii keessatti waliin
		https://www.freebibleimages.org/illustrations/preschool-joseph-reunion/
B8	Namoota Yesus qunname	Namoota Yesus qunname - Dubartitti dhukkubsatte
		https://www.freebibleimages.org/illustrations/gnpi-024-peter-mother-in-law/
		Namoota Yesus qunname - Namicha dhukkuba laamxiin qabame
		https://www.freebibleimages.org/illustrations/gnpi-025-jesus-leper/
		Namoota Yesus qunname - Namicha gargaarsa hin qabne
		https://www.freebibleimages.org/illustrations/yo-jesus-lame-man/
		https://www.freebibleimages.org/illustrations/btbm-lame-man/
		Namoota Yesus qunname – Maatewos
		https://www.freebibleimages.org/illustrations/gnpi-027-matthew/
		https://www.freebibleimages.org/illustrations/jesus-zacchaeus-preschool/

ibsa dabalataa (appendix) A - Sadarkaa 2ffaa Fakkiwwan Macaafa Qulqulluu bilisaan

	Mata-duree	Fakkiwwan Seenaa
B7	Yoseef	Obboleessonni Yoseef dhufuu isaanii
		https://www.freebibleimages.org/illustrations/joseph-brothers-1/
		https://www.freebibleimages.org/illustrations/yo-joseph-brothers/
		Beniyaam fi Oduu Gaddisiisaa!
		https://www.freebibleimages.org/illustrations/yo-joseph-reunion/
		Araara fi Oduu Gammachiisaa!
		https://www.freebibleimages.org/illustrations/yo-joseph-reunion/
		Gibxii keessatti waliin
		https://www.freebibleimages.org/illustrations/joseph-reunion/
		https://www.freebibleimages.org/photos/joseph-jacob/
B8	Namoota Yesus qunname	Namoota Yesus qunname - Dubartitti dhukkubsatte
		https://www.freebibleimages.org/illustrations/gnpi-024-peter-mother-in-law/
		Namoota Yesus qunname - Namicha dhukkuba laamxiin qabame
		https://www.freebibleimages.org/illustrations/gnpi-025-jesus-leper/
		Namoota Yesus qunname - Namicha gargaarsa hin qabne
		https://www.freebibleimages.org/illustrations/yo-jesus-lame-man/
		https://www.freebibleimages.org/illustrations/gnpi-026-jesus-paralytic/
		Namoota Yesus qunname – Maatewos
		https://www.freebibleimages.org/illustrations/gnpi-027-matthew/
		https://www.freebibleimages.org/illustrations/jesus-matthew/

ibsa dabalataa (appendix) B - Sadarkaa 0 & 1 Fakkiwwan Macaafa Qulqulluu Bilisaa

	Mata-duree	Fakkiwwan Seenaa
B9	Musee	Dhalachuu Musee
		https://www.freebibleimages.org/illustrations/sb-baby-moses/
		Dogoggora guddaa Musee
		https://www.freebibleimages.org/illustrations/sb-baby-moses/
		Museen huuxxii gubatu arge
		https://www.freebibleimages.org/illustrations/sb-burning-bush/
		Museen ergaa Waaqayyoo geessuu isaa
		https://www.freebibleimages.org/illustrations/sb-burning-bush/
B10	Musee	Musee fi dhahicha jalqabaa
		https://www.freebibleimages.org/illustrations/sb-moses-plagues/
		https://www.freebibleimages.org/illustrations/fl-moses-plagues/
		Musee fi dhahicha isa dhumaa
		https://www.freebibleimages.org/illustrations/fl-moses-plagues/
		https://www.freebibleimages.org/illustrations/sb-passover/
		Musee fi Gibxii ba'u
		https://www.freebibleimages.org/illustrations/sb-passover/
		https://www.freebibleimages.org/illustrations/sb-red-sea/
		Museen waaqayyoon galatteeffate
		https://www.freebibleimages.org/illustrations/sb-red-sea/

ibsa dabalataa (appendix) B - Sadarkaa 2ffaa Fakkiwwan Macaafa Qulqulluu bilisaan

	Mata-duree	Fakkiwwan Seenaa
B9	Musee	Dhalachuu Musee
		https://www.freebibleimages.org/illustrations/yo-moses1/
		Dogoggora guddaa Musee
		https://www.freebibleimages.org/illustrations/moses-prince/
		Museen huuxxii gubatu arge
		https://www.freebibleimages.org/illustrations/sb-burning-bush/
		https://www.freebibleimages.org/illustrations/yo-moses2/
		Museen ergaa Waaqayyoo Geessuu isaa
		https://www.freebibleimages.org/illustrations/sb-burning-bush/
		https://www.freebibleimages.org/illustrations/yo-moses2/
B10	Musee	Musee fi dhahicha jalqabaa
		https://www.freebibleimages.org/illustrations/sb-moses-plagues/
		https://www.freebibleimages.org/illustrations/moses-plagues-1/
		Musee fi dhahicha isa dhumaa
		https://www.freebibleimages.org/illustrations/moses-plagues-2/
		Musee fi Gibxii ba'u
		https://www.freebibleimages.org/illustrations/yo-moses2/
		https://www.freebibleimages.org/illustrations/moses-red-sea/
		Musee fi isra'eel waaqayyoon galatteeffatan
		https://www.freebibleimages.org/illustrations/moses-food-water/
		https://www.freebibleimages.org/illustrations/yo-moses3/

ibsa dabalataa (appendix) C - Sadarkaa 0 & 1 Fakkiwwan Macaafa Qulqulluu Bilisaa

	Mata-duree	Fakkiwwan Seenaa
B11	Musee	Waaqayyo nyaata ni kenna
		https://www.freebibleimages.org/illustrations/ls-moses-manna/
		Waaqayyo kadhannaa ni deebisa / Waaqayyo moo'icha kenna
		https://www.freebibleimages.org/illustrations/moses-amalekites/
		Waaqayyo abboommiwwan ni kenna
		https://www.freebibleimages.org/illustrations/rg-moses-10-commandments/
		https://www.freebibleimages.org/illustrations/ls-moses-commandments/
		Waaqayyo lubbuu namoota ni oolcha / Waaqayyoo fayyina kenna
		https://www.freebibleimages.org/illustrations/moses-serpent/
B12	The Christmas Story	Yoseef fi ergamicha
		https://www.freebibleimages.org/illustrations/birth-jesus-preschool/
		Namoota ogeeyyii fi Herodis
		https://www.freebibleimages.org/illustrations/bpa-christmas/
		https://www.freebibleimages.org/illustrations/dm-wise-men/
		Namoota ogeeyyii fi Yesus
		https://www.freebibleimages.org/illustrations/bpa-christmas/
		https://www.freebibleimages.org/illustrations/lgr-birth-jesus/
		Baqannaa gara Gibxitti
		https://www.freebibleimages.org/illustrations/yo-wise-men/

ibsa dabalataa (appendix) C - Sadarkaa 2ffaa Fakkiwwan Macaafa Qulqulluu bilisaan

	Mata-duree	Fakkiwwan Seenaa
B11	Musee	Waaqayyo nyaata ni kenna
		https://www.freebibleimages.org/illustrations/moses-food-water/
		Waaqayyo moo'icha kenna
		https://www.freebibleimages.org/illustrations/moses-amalekites/
		Waaqayyo abboommiwwan ni kenna
		https://www.freebibleimages.org/illustrations/moses-sinai/
		Waaqayyo fayyina kenna
		https://www.freebibleimages.org/illustrations/moses-serpent/
		https://www.freebibleimages.org/illustrations/gnpi-017-nicodemus/
B12	The Christmas Story	Yoseef fi ergamicha
		https://www.freebibleimages.org/photos/joseph-angel/
		Namoota ogeeyyii fi Herodis
		https://www.freebibleimages.org/illustrations/yo-wise-men/
		Namoota ogeeyyii fi Yesus
		https://www.freebibleimages.org/illustrations/yo-wise-men/
		Baqannaa gara Gibxitti
		https://www.freebibleimages.org/illustrations/yo-wise-men/
		https://www.freebibleimages.org/illustrations/gnpi-009-flight-egypt/



© Bible Educational Services 2023

www.besweb.com

Registered Charity UK CIO 1186004

OM (Oromo) 02/2026